

# DORA

 Ndi a ni livhuwa, Mukomana Vayle. [Tshikhala kha theiphi—Mudz.]

Ndi madekwana avhudzi, khonani. Ndi pfanelo u vha fhano madekwana a ñamusi. Itshe ndi tshifhinga tshanga tsha vhuvhili u vha fhano kha iyi Khuvhangano ya Grantway, ndi na mukomana wanga a funwaho, Mack, na itshe tshiṭafu tshoṭhe tshavhuḍi fhano, na Vhakriste vha no khou vha mirado vha bvaho zwivhidzoni two fhambanaho, Mukomana Lee Vayle. Huno ndi kha di bva u ḥangana na mukomana fhano, iyo, kho—khonani vhukuma ya Mukomana F.F. Bosworth, huno ho ngo vhuya a ñivha uri Mukomana Bosworth o no ḥuwa u yo ḥangana na Murena. Nda ri, “Ndi pfa vhunga ndo ḥangana na Elisha we a a shela madi kha zwanḍa zwa Eliya,” musi vho vha vho ya seli huno vha sa ñivhi uri Mukomana Bosworth o no ḥuwa u yo ḥangana na Murena, e na miñwaha ya fumaloïña nga vhukale.

<sup>2</sup> Zwino ndi ḥodou lumelisa vhathe vha re kha vhuṭumani ha luṭingo madekwana a ñamusi, shangoni loṭhe, u bva ngei California u ya New York, na Texas na—na n̄tha kha zwipida two fhambanaho zwa lushaka, u bva Maine u ya California. Ngauralo, ri na sis—sisteme ya u ḥumekanya idzi thingo, yo vhaho phaṭhutshedzo khulwane. Huno zwino ri a pfesesa, nga khonani yashu yavhudzi, Mukomana Pearry Green, uri vha na tshi—tshishumiswa tshiṭuku tshine vha nga tshi vhea kha sethe ya thelevishini yaṇu, huno i nga si vhe fhedzi kha luṭingo fhedzi i ḥo sumbedzwa heneffo kha thelevishini yaṇu, hafhu. Huno vha khou i sedza-sedza zwino.

<sup>3</sup> Huno, Khaladzi Mack, ndi takalela u ni vhona ni tshi vhonalu ni wavhudzi, no dzula hafha kha ogani, madekwana a ñamusi. Huno ndi vhona khonani dzanga dici bvaho ngei Sierra Vista, na Mukomana Borders...kana Mukomana Roberson, ndi ralo, a bvaho Indiana; vhanzhi. Ndi ḥodou ri kha vhathe ngei n̄tha thaberenakeleni, madekwana a ñamusi, zwi tou nga hafu yavho yo tsela fhano, na u bva thaberenakeleni ngei Jeffersonville.

<sup>4</sup> Na kha khonani yanga hangei n̄tha, Mukomana Kuhn, tshe na founa nga hatsho, malugana na iyo khumbelo, ya vhulwadze. Ndi khou i rabelela, Mukomana Kuhn. Itonu vha na lutendo. Ni songo vilaela. Zwi ḥo luga.

<sup>5</sup> Na ngei fhasi Texas, Mukomana Blair, arali ni tshi khou thetshelesa madekwana a ñamusi, mukomana wanga, itonu humbula hetshi; uri Mudzimu. We a ni disa tshifhingani tsha u thoma, a nga ni ñisa kha tsha vhuvhili. Huno ri tenda uri Mudzimu u ḥo ni ñea hetshi. Huno ni songo dzhia mazwifhi

a Diabolo nga ha tshiñwe tshithu. Inwi itonu elelwa zwauri Mudzimu ndi Mudzimu, huno hu na...huno U kha di vha a sa shanduki mulovha, ɿamusi, na lini na lini. Huno ri a Mu funa huno ri a Mu tenda, nahone ri khou ni rabelela.

<sup>6</sup> Kha khonani dzashu dzothe ngei California; kha Mukomana Mercier na avho ɿtha fhano Arizona, huñwe fhethu hunzhi, Phoenix; na Mukomana Williams, huno nothe no ɿumekanywa heneffo ɿtha madekwana a namusi, u mona hothe, ri a livhuwa zwa vhukuma; na ngei fhasi Georgia. Huno ri a livhuwa zwa vhukuma nga muñwe na muñwe wañu. Murena a ni fhañtshedze.

<sup>7</sup> Ndi na vhudipfi ha u tanganedzwa ha vhukuma fhano madekwana a ɿamusi, tshivhidzoni itsi tshavhuđi, Khuvhangano ya Mudzimu fhano Grantway, na Mukomana Mack, khonani yanga yavhuđi. Mudzimu o fhañtshedza Mukomana Mack. Ndi elelwa nga tshiñwe tshifhinga ngei Canada, uri o vha...ndo vha ndo namela ndi tshi khou londa vhuđala, nga bere, murahu ngei małakani, huno Muya Mukhethwa wa amba na nñe uri ndi tse huno ndi rabelele Mukomana Mack. Nga itsho tshifhinga o vha e kha nyimele ya shishi, huno Murena a mu fhodza. Huno ngauralo ndi livhuwa nga maanđa hezwo, na u kuvhangana nae fhano madekwana a ɿamusi, u rerela Murena nga iyi Ngoho yavhuđi.

<sup>8</sup> Munna o dzulaho kha pulatifomo, murahu hanga, a ri, "A thi tendi uri ni a nnđivha." A ri, "Nga tshiñwe tshifhinga no nkhwala, ndi muhaiki," huno, a thi ɿivhi, huñwe fhethu ɿtha ngei Boston kana huñwe fhethu, "Detroit, ndi tshi khou haika."

<sup>9</sup> Huno nda ri, "Ndi zwone, kanzhi ndi lingedza u thusa, arali ndi tshi kona, avho vha re na thođea."

<sup>10</sup> Huno ngauralo, madekwana a ɿamusi, rothe ri na thođea. Huno ri rabela uri Mudzimu u do ri onyolosela tshanda madekwana a ɿamusi, tsha thuso, tsha dziphathutshedzo, na tsha tshilidzi Tshawe na khathutshelo.

<sup>11</sup> Zwino, ndo didowedza u amba tshifhinga tshilapfu, fhedzi ndi do lingedza uri izwo ndi sa zwi ite madekwana a ɿamusi. Ngauri, vhatu ɿtha ngei Ohio vha kha di bvou founa, Vho-Mme Dauch na tshigwada ngei ɿtha, Mukomana McKinney na Mukomana Brown, huno avho vhothe who ɿumekanywa ngei Ohio. Ri ni rumela dzindumeliso, na vhoinwi. Tshifhinga tsho no ɿuwesa ngei New York, huno ndi zwi dzhia uri i tsini na u rwa awara ya fuminthihi kana ya fumimbili ɿtha ha tshithoma, tshifhingani tshino, ngei New York. Huno zwivhidzo zwo da huno zwa lindela u swika kha ino awara, u itela tshumelo fhedzi. Ri livhuwa idzo khonani dzavhuđi huñwe na huñwe.

<sup>12</sup> Zwino ri sa athu vula Ipfi, kha ri ambe zwashu na Muñwali, lwa tshifhinganyana, musi ri tshi kotamisa zwifhañtuwo zwashu.

<sup>13</sup> Khotsi wa Tađulu a funwaho, ri...mbilu dzashu dzo ḍala dakalofulu, nga pfanelo ine ra vha nayo ya u tshila fhano madekwana a ḋamusi, nahone ro kuvhangana na vhatu Vhau. Vhatu...na vhane ra tenda u tshila lini na lini. Zwino ri na Vhutshilo Vhu Sa Fheli, ngauri, "Wo Ḇekedza Murwa Wau mubebwa-e-ethe, uri ane a Mu tenda a si lovhe, fhedzi a vhe na Vhutshilo ha lini na lini." Lwendoni Lwawe fhano shangoni, O ri funza, "Ane a pfa Ipfi Ḷanga huno a tenda kha O Nthumaho, u na Vhutshilo ha lini na lini; huno a nga si dzhene khathuloni, fhedzi o bva lufuni a da Vhutshiloni, ngauri ro tenda kha Murwa wa Mudzimu mubebwa-e-ethe." Ri U livhuwa hani nga uyu Mutshidzi muhulwane! Huno ri a rabela, madekwana a ḋamusi, uri Vhuhone Hawe vhuhulwane vhu ri fhaṭutshedze nga maanda fhano, musi ri tshi vhala Ipfi Ḷawe huno ra amba nga Haļo. Muya Mukhethwa kha u swikise hezwo mbiluni iñwe na iñwe kha lushaka Iwoṭhe, Murena, huñwe na huñwe he vhatu vha kuvhangana.

<sup>14</sup> Fhaṭutshedza vhañwe vhashumeli vha re kha phuluphithi. Ri a rabela, Khotsi, uri U fhaṭutshedze iyi Khuvhangano ya Grantway; mufunzi wayo, mufumakadzi wawe, vhana vhawé; madikoni, vhalangi vha ndaka, na bodo yothe. Huno, Khotsi, roğe ngavhe ri tshi shumela Muvhuso wa Mudzimu, musi Tshedza tsho edanaho tshi tshee hone u vhona hune ra khou ya hone, ngauri awara i khou ḫa ine ha sa ḫo shuma muthu. Huno, Khotsi, musi ri na iyi pfanelo, ngavhe ri—ngavhe ri tshi bindulisa tshifhinga, Murena. Ngavhe riñe, izwo ri tshi zwi newa. Fhodza vhalwadze na vha ḫupheaho shangoni ḥothe. Ngavhe Vhuhone ha Mudzimu vhu tshi pfala kha mutwe muñwe na muñwe na khuḍa ya lushaka, madekwana a ḋamusi.

<sup>15</sup> Ri a limuha uri khaṭhulo i khou tsa. Mitwe mihulwane i khou wela ngomu, huno lushaka lu khou dzinginyea, na midzinginyo ngei na ngei. Zwithu zwihulwane zwa divhazwakale zwe ra zwi pfa mađuvhani o fhiraho, zwa khaṭhulo, nga Bivhili, huno ri i vhona i tshi dovholola hafhu ḋamusi. Vhuporofita vhu tshi ri, "Sa zwe zwa vha zwi zwone mađuvhani a Noaxe, zwi ḫo ralo na kha u ḫa ha Murwa-muthu. Sa zwe zwa vha zwi zwone mađuvhani a Loto, zwi ḫo ralo na kha u ḫa ha Murwa-muthu," huno ri zwi vhona zwi tshi bvelela zwino. "Mbilu dza vhatu dzi tshi kundelwa; u hanganea ha tshifhinga; tshengelo vhukati ha dzitshakha." Mudzimu, ri a ḫivha uri ri tshifhingani tsha vhufhelo.

<sup>16</sup> Ri thuse, Murena, u—u isa Mulaedza kha mutwe muñwe na muñwe na khuda, kha ḫwana muñwe na muñwe we Wa mu tela Vhutshiloni. Ri Ḇee zwone, Murena. Ri a zwi humbela Dzinani ja Yesu. Amene. Murena, fhaṭutshedza u vhalwa ha Ipfi Ḷawe zwino.

<sup>17</sup> Zwino vhunzhi haṇu ni takalela u tou sedza Bivhilini, hune mushumeli a khou vhala. Huno ndi ṭoḍa u vhala madekwana a ḥamusi, dzi si gathi, ndimana ṭharu kha Dziphisalema, Phisalema 42, u tou itela ya u vha na liṇwalwa. Huno ndi na maṇwe Maṇwalo o ḥwalwaho hafha, huno ndi ṭoḍa u livhanya one, arali ndi tshi nga kona, musi ri tshi bvela phanda kha miniti i si gathi i tevhelaho, u amba nga ha iyi ṭhoho. Phisalema ya Dafita. Dafita o ḥwala Dziphisalema.

<sup>18</sup> Zwino musi ni tshi kha di fhenda, ndi nga amba hezwi. Vhathu vhanzhi vha ri, “Zwo ralo, naa Phisalema dzo hevhedzwa?” Zwa vhukuma, dzo ralo. Dzi a . . .

<sup>19</sup> Tshiṇwe na tshiṇwe tshi re—tshi re Bivhilini iyi tsho hevhedzwa, kana ndi ḫivhazwakale, kana ndi dzinyimbo, tshiṇwe na tshiṇwe tshire tshi nga vha tshore. Tsho hevhedzwa. Yesu o ri, “Naa a no ngo vhala zwe Dafita a amba kha Dziphisalema?” Huno zwenezwo ndi elekanya uri, Dziphisalema, a hu na zwiṇwe, ndi dzinyimbo. Huno arali nyimbo dzo hevhedzwa nga Mudzimu, zwine, ndi tenda uri dzo ralo, nahone dzi a porofita, ndi fulufhela uri ndo ima kha ilo ḫuvha la musi ulu luimbo lu tshi khunyelela.

Hu do vha na muṭangano tuyani,  
Mudifhoni uyo, mudifhoni hu si kale;  
Ndi do ḫangana na inwi, nda ni lumelisa  
henengei;  
Hayani uho seli ha lutombo;  
U imba ho raloho he ha vhuya ha pfiwa, he  
ha vhuya ha pfiwa nga nđevhe dzi no fa,  
Hu do vha ha vhugala, ndi a ḫivhadza!  
Huno Murwa wa Mudzimu Ene muṇe u do  
vha Uyo a rangaho phanda  
Kha uyo muṭangano tuyani.

Oo, ndi—ndi ṭodou vha henengei nga itsho tshifhinga!

<sup>20</sup> Zwino Phisalema 42.

*Sa tholo i tshi ḫulutshelwa milambwana ya madi,  
ngā u ralo tuyā wanga u ḫulutshelwa iwe, Oo  
Mudzimu.*

*Muya wanga u na dora la Mudzimu, la Mudzimu a  
tshilaho: ndi do da lini hūno nda vhonala phanda ha  
Mudzimu?*

*Miṭodzi yanga yo vha tshiliwa tshanga masiari na  
vhusiku, musi wanga . . . musi vha tshi khou di ri kha  
nne, U ngafhi Mudzimu waṇu?*

<sup>21</sup> Ndi elekanya uri, Dafita, kha u ḥwala ha iyi Phisalema, u fanela u vha o vha e tshengeloni. Huno kanzhi zwi dzhia tshengelo u bvisa zwa khwinesa kha muthu. Yone, zwa vhukuma, ndi musi Mudzimu . . . a tshi tsela fhasi musi ri tshi

didzima zwiliwa, zwifhinga zwinzhi, u ḫivheā tshiimoni tsha u ḫibvisa ndilani. Huno ndi a elekanya, musi Dafita o dzhena fhethu afha, zwenezwo a thoma u elekanya nga ha Murena, a thoma u elekanya nga ha zwithu.

<sup>22</sup> Zwifhinga zwinzhi, Mudzimu u ri dzenisa kha—kha khuda dzi pataho hune ra tea u sedza n̄ha. Nga tshiñwe tshifhinga ri vhuya ra tea u edela sibadela, kana mmbetenī huñwe fhethu, uri ri kone u sedza n̄ha u vhona hune phaþutshedzo khulwane dla Mudzimu dla bva hone.

<sup>23</sup> Zwino ipfi line nda ḫodou amba zwi bvaho khalo madekwana a ñamusi, ipfi lithihi li bvaho Bivhilini, huno iþo li wanala kha ndimana ya 2, “dora,” ipfi: *Dora*. Ndo vha ndi tshi khou sedza kha thalusamaipfi musi ndi tshi khou ḫoda ili ipfi.

<sup>24</sup> Ndo vha ndi tshi khou elekanya nga ha the—thero nga tshiñwe tshifhinga, nda rera nga ha *U Vha Na Dora La Vhutshilo*. Huno ndo i bvisa kha Dziphisalema, na yone-vho, musi Dafita a tshi ri, “Milayo Yau,” ndi a tenda, “ndi ya vhutshogwa lwo engedzeaho u fhira vhutshilo.”

<sup>25</sup> Zwenezwo ndo vha ndi tshi khou ḫoda nahone ndi tshi elekanya nga ha iþo ipfi “dora,” ngauralo nda ḫoda kha thalusamaipfi, u vhona zwine la amba. Huno ngetshi tshire Webster a tshi amba, “Ndi lutamo lu vhavhaho,” lu vhavhaho, musi ni tshi ḫoda tshiñwe tshithu nga maanda u swika zwi tshi vhavha kha inwi.

<sup>26</sup> Zwino, a—a si tshithu tshi si tsha mupo, u vha na ḫora. *Dora* ndi tshi—tshithu tsha mupo. Li tou vha fhedzi-fhedzi tshiñwe tshithu tshe Mudzimu a ri ñea, uri ri kone, u ri ñea lu—lutamo lwa tshiñwe tshithu. Nga tshiñwe tshifhinga Mudzimu, hafhu, o ni ñea tha—thawa ya ndango, tshiñwe tshithu tshire tsha dzula ngomu hanu, tshire—tshire tsha langa ulu lutamo lwo fhambanaho. Huno ili ḫora, iyi thawa ya ndango yo dzulaho mbiluni ya muthu, ndi tshiñwe tshithu tshe Mudzimu a mu ñea u—u mu tsivhudza lutamo lu no ḫodea khae.

<sup>27</sup> Zwino hu na tshakha mbili dzo fhambanaho dla dora. Hu na dora, ñamani. Huno hu na dora, hafhu, muyani. Ndi do takalela u vhala hezwi, zwe Dafita a amba, hafhu.

*Muya wanga u na ḫora la Mudzimu, la Mudzimu a tshilaho:...*

<sup>28</sup> Hu si ni tshithu tsha ḫivhazwakale, kana tshiñwe tshithu tsho bvelelaho miñwahani yo fhiraho, kana—kana luñwe lungano lwe muñwe a lu amba; fhedzi, “u itela Mudzimu a tshilaho,” Mudzimu a re hone misi yoþhe. Huno muya wawe wo vha na ḫora la uyo Mudzimu, hu si ni la tshiñwe tshithu tsha ḫivhazwakale.

<sup>29</sup> Zwino ri wana, Mudzimu u ni ñea thawa ya ndango, u ni ñea zwithu zwine na ḫoda. Zwino, thawa ya ndango i re ngomu hanu ndi yone i ni tshimbidzaho. Huno ili ḫora li gidimela ngomu ha

iyi nda-... thawa, thawa ya ndango, huno i ni vhudza zwine na zwi ṭoda, hu tshi ambiwa nga lwa maya. Thawa ya ndango muvhilini, na moyani, hafhu. Hu na thawa ya ndango muvhilini, i no ni vhudza ṭhodea i no ṭodea muvhilini waṇu, huno i ḍiswa kha inwi nga ḍora. Hafhu, hu na thawa ya ndango moyani waṇu, i no ni vhudza zwithu zwa maya zwine na zwi ṭoda, tshiñwe tshithu moyani waṇu, huno, huno nga itshi inwi ni nga amba lushaka lwa vhutshilo vhu no ni langa.

<sup>30</sup> Musi ni—musi ni tshi kona u vhona zwine lutamo lwanu lwa vha zwone, zwenezwo ni nga amba, nga uho, uri ndi tshiñwe tshithu tsha lushaka-de tshi re ngomu hanu, tshi no khou sika ulu lutamo lune na vha nalwo. Ni a vhona, hu na tshiñwe tshithu tshine na vha na ḍora natsho, huno i—huno i nga ni vhudza moyani waṇu zwine ulu lutamo lwa vha zwone, nga mupo wa ḍora line na vha naļo. Ndi a fulufhela uri izwo ni a kona u zwi pfectesa.

<sup>31</sup> Hu na tha—thawa ya ndango ya maya, na iñwe ya muvhili, huno thawa iñwe na iñwe ndi muvhidzeleli a tsivhudzaho ṭhodea dza muñwe. Iñwe na iñwe i vhidzelela ṭhodea ya zwine muvhidzeleli a vhidzelelela zwone, i rumela gabelo ḥa tsivhudzo.

<sup>32</sup> Sa tsumbo, ḥa—nama i vha na ḍora ḥa u fusha lutamo lu re muvhilini, huno maya u tama zwithu zwi re moyani, zwine lutamo lwa vha zwone, huno zwifhinga zwinzhi hezwi zwi a lwedzana. Henefho ri wana, tshine tsha vha khakhathi khulwane ḥamusi, uri vhathe vhanzhisa vha lingedza u tshila vhukati ha ulwo lutamo luvhili. Ngauri, luñwe lwalwo lu tama zwithu zwa ḥifhasi, luñwe lu tama zwithu zwa Ṭađulu.

<sup>33</sup> Vhunga Paulo o amba, a tshi zwi ṭalutshedza kha Vharoma 7:21, “Musi ndi tshi ṭoda u ita zwivhuya, zwenezwo vhuvhi vhu tsini.” Musi ni tshi lingedza, naa no no vhuya na vha na izwo kha tshenzhemo, Vhakriste? Uri musi ni tshi lingedza u ita tshiñwe tshithu tshi re na tshivhuya, ni ya na ḍidina u ita tshiñwe tshithu tshi re tshavhudi, zwenezwo ni wana uri henefho hu na Diabolo, matungo othe, u tou ni thithisa, tshithu tshiñwe na tshiñwe tshine ni nga... Huno itsho ndi tshone tshithu tshithihi tshavhudi, hetsho. Ndi ṭodou amba hezwi, uri Vhakriste vha ḥivhe. Uri musi ni tshi—musi ni tshi thoma u ita tshiñwe tshithu, huno hu na tshiñwe tshithu tshi no lingedza u ni thithisa tshifhinga tshothe kha u tshi ita, tshi iteni naho zwo ralo. Uyo ndi Diabolo henefho, a no khou lingedza u ni thivhela u ita tshi re tshone.

<sup>34</sup> Zwino, zwifhinga zwinzhi, ndi ḥangana na vhathe vhane vha dzindelwa zwiṭuku nga luqaledzi. Musi vha tshi wana uri vha khou lingedza u ita tshiñwe tshithu, huno—huno tshiñwe na tshiñwe tshi khou tou tshi thivhela kha masia othe, vha ri, “Hu nga ḫi vha ho vha hu si lufuno lwa Murena.” Ni a vhona? Zwino ni songo tendela Diabolo u ni zwifhela nga u ralo.

<sup>35</sup> Tshithu tsha u thoma, ndi u wana uri kana ndi lufuno lwa Mudzimu, kana hai. Huno zwenezwo arali ni tshi ṭodou divha uri kana ndi lufuno lwa Mudzimu, sedzani Bivhilini. Ngetsho tshithu tshire tsha—tsha ni onyolosa, ndi Ipfi la Mudzimu; huno zwenezwo arali ni tshi vhona uri tshi kha Ipfi la Mudzimu, uri ni nga tshi ita.

<sup>36</sup> Vhunga, sa tsumbo, u ṭoda ndovhedzo ya Muya Mukhethwa. Zwifhinga zwinzhi, ndo no kudana na vhathu, vha no ri, “Ndi zwone, ndo ṭoda Muya Mukhethwa, huno a tho ngo tou kona u U ṭanganedza. A thi tendi uri Ndi wanga. Tshifhinga tshiñwe na tshiñwe ndi tshi gwadama, ndi a lwala. Huno ndi ya u rabela, arali ndi tshi didzima zwiliwa, ndi a lwala. Huno arali ndi tshi lingeda u tshesa vhusiku hothe, nda si ye u edela, ndi farwa nga khofhe nga maanda. A—a thi koni u ima nga milenzhe yanga.” Elelwani, uyo ndi Diabolo. Ngauri, Mudzimu o diimisela uri ni wane Muya Mukhethwa. Ndi wa muñwe na muñwe a no funa.

<sup>37</sup> Zwifhinga zwinzhi ni wana, musi no rabelelwa, mutanganoni, u itela phodzo Khethwa, zwenezwo ḫuvha li tevhelaho ni wana uri, hu si na na thimothimo, uri Diabolo u do ita hezwo uri zwi vhe two vhifhaho kavhili u fhira zwe zwa vha zwi zwone ḫuvha lo fhiraho. Ni a vhona? Elelwani, uyo u tou vha Sathane a no khou lingeda u ni tuwisa kha phathutshedzo ye Mudzimu a ni vhetshela yone. Ni a vhona? Ni songo thetshelesa uyo muthu. Ni a vhona? Tshifhinga tshothe bvelani phanda.

<sup>38</sup> Ndo vha na tshenzhemo ya hezwo zwa zwenezwino ndilani ya u ya Afurika. Arali ndo vhuya nda vha na tshifhinga tshe Diabolo a vhuya a nkandeledza, ho vha hu u ya Afurika tshifhingani itsi tsho fhiraho. U vha muñwe wa mi—miñangano yavhudisa na zwifhinga zwe nda vhuya nda ya seli ha lwanzhe. Ndi nazwo, ndi a tenda, zwithu zwo engedzeaho zwe zwa itwa nga itsi tshifhinga tshiñuku tshe nda vha ndi heneffo, nga nnnda ha lwendo lwanga lwa u zwima, u fhira zwe nda vhuya nda ita nga tshiñwe tshifhinga. Tshifhinga tshothe ndo elekanya uri izwo zwivhidzo zwo vha zwi sa ntodi heneffo, huno zwa da u wana uri...ndo vha ndi na luñwalo lu bvaho kha muñwe muthu, uri ho vha hu, oo, vho vha vha sa ntodi heneffo, nyandano yothe; na u wana uri ho vha hu munna muthihi, e na luñwalo lu bvaho kha dzangano, lwe lwa ri, “A ri ni todi,” a tshi khou amba ene na muña wawe. Ni a vhona? Ngauralo zwenezwo musi ndi tshi swika hangei... Ni a vhona, “rine” fhedzi, uyo o vha e ene na muña wawe; huno ho vha hu si vhathu, na luthihi. Ngauralo, zwino ndi tsimu khulwane yo vulelwaho rine.

<sup>39</sup> Ni a vhona, musi Paulo a tshi ri, “Musi ndi tshi ṭoda u ita zwivhuya, zwenezwo vhuvhi vhu tsini.”

<sup>40</sup> I ri ni muswa o rembuluwaho a de madekwana a ñamusi kha alitari, huñwe fhethu fhano thaberenakeñeni ino, kana—kana

nn̄da kha lushaka lwōthe; huno itonu elelwa, matshelo, mma vha do vha vho sinyuwa lwo engedzeaho u fhira zwe vha vhuya vha vha zwone, khotsi vha do vha vho dinalea tshothe, na vhana vha tshikolo vhothe. Huno tshiñwe na tshiñwe tshi sokou khakhea, ngauri ndi Sathane a no khou lingedza u ni rembulusa. U khou lingedza u ni bvisa Ndilani. “Musi ndi tshi ḥoda u ita zwivhuya, zwenezwo vhuvhi vhu tsini tshifhinga tshothe.”

<sup>41</sup> Zwino kha ri sedze dora, nahone kha ri vhone uri kana zwa vhukuma dora ndi tshithu tsha mupo. Ndo vha na vhatu vhe vha mmbudza, “Oo, a tho ngo ita na kathihi. Ndi tenda uri zwi tou vha zwa vhañwe vhatu u ḥoda u vha Vhakriste.” Oo, hai. Izwo zwo khakhea. Zwa vhukuma ndi tshiñwe tshithu tshi konanaho na muthu muñwe na muñwe. Zwa vhukuma ndi ngoho. Musi ri tshi da kha lino shango mađuvhani a u ranga, ro wana Maindia fhano. Huno Maindia, naho vho vha vhe vhahedeni nga itsho tshifhinga, vho rerela ḫuvha kana tshiñwe tshithu. Musi vha tshi kha di vha vhatu, hu na tshiñwe tshithu ngomu havho, dora la mupo, li vhidzaho Mudzimu, huñwe fhethu.

<sup>42</sup> Murahu mañakanı, ndi kha di tou bva u vhuyeleta henengei, maela dza daina na fumalo u bva kha vhutshilotshedza ha tsinisa, muđinyana, mułuku wa vhatu vha no ḥodou swika zwigidi zwiraru, wa Beira, Mozambique. Ro wana vhangwaniwapo vhe vha si vhuye... a vha athu vhona mutshena na kathihi. Nda wana musidzana wa mungwaniwapo, o vha a songo ambara zwiambaro, (vhothe vho vha vha songo ambara zwiambaro), nahone o vha o dzula n̄tha ha muri. Huno ndo vha ndi tshi khou londa vhutala ha ndau, huno heneffo ho vha hu na...nda pfa tshiñwe tshithu tshi no nga muthu, tshi tshi khou zhamba. Uyu musidzana wa mungwaniwapo o dzula ngei n̄tha, o donola mađo, o takula lushie. Huno tshe a vha a tshi tshi tshuwa... Iyo yo vha i yone tsireledzo yawe i yothe, u namela muri, u ponya ndau, nngwe kana tshiñwe tshithu, kana iñwe phukha. Huno o mmbona, nahone a pfa uri ho vha hu muthu, fhedzi musi a tshi sedza huno a vhona mutshena! O vha a sa athu vhona na muthihi vhutshiloni hawe na kathihi, ni a vhona, huno o vha o tshuwa lu isaho lufuni. Ni a vhona?

<sup>43</sup> Fhedzi musi ri tshi wana avho vhatu, na kha iyo nyimele ya tshikalenı murahu henengei, vho vha vha tshi kha di rerela. Ri sa athu vhidza ndau uri i dzhene, vho shululela vhukhopfu (uvho ndi vhune dza la) kha ḥari liñku, huno vha vhanda zwanda zwavho, nahone vha vhidzeleta myua wa tshiñwe tshithu tshihulwane tshe vha vha vha sa ḫivhi uri ngafhi (vhunga mukhethwa a thusaho kana tshiñwe tshithu, kha Mukañolika), u vha tsireledza, uri vha si vhulawé tshifhingani tsha u vutshelwa nga iyi ndau.

<sup>44</sup> Ni a vhona, ndi tshiñwe tshithu tsha mupo. A si tshithu tshi si tsha mupo u vha na dora la Mudzimu. Ndi tshithu tsha mupo. Tshi tou vha tshiñwe tshithu tshine na tea u ita.

Mudzimu o ni ita nga u ralo. Nahone a si muthu wa nthesa, zwa vhukuma u tou vha muthu zwawe. A tshi tou vha tsha sipeshala kha vhańwe vhathe.

<sup>45</sup> Vha ri, "Zwo luga, ndo vhona vhańwe vhathe vha tshi tshila vhu—vhutshilo ha gundo, lune vha dzula vhe nthā ha thanga ya nnđu misi yothe, vha tshi khou renda Mudzimu. Ndi tama ndo vha ndi tshi nga zwi pfa nga iyo ndila." Ndi zwone, tshiitisi tsha u pfa hańu nga heyo ndila, ndi dora li re kha inwi. Huno li tou vha tshithu tsha mupo. Ndi zwa muthu muńwe na muńwe, u vha na dora la Mudzimu.

<sup>46</sup> Zwino ri do dzhia zwiniwe zwa mupo. Dora ndi tsha u thoma. Kha ri dzhie, sa tsumbo, u vha na dora la madi. Sa Dafita o amba hafha, u vha na dora, la "madi." U vha na dora la madi, muvhili u toda madi. Huno arali ni sa disedzi ilo dora, ni do lovha. Ni do omelwa, huno ni do-ni nga si tshile. Arali ilo dora ni sa li waneli madi, u dzimula ilo dora la muvhili wa mupo ni do lovha hu si kale. Ni nga si tshile tshifhinga tshilapfu. Ni nga tshila tshifhinga tshilapfu nga nnđa ha zwiliwa u fhira zwine ni nga kona ni si na madi. Ngauri, ni nga didzima lwa maduvha a fuina (Yesu o ita), ndi a themba, nga nnđa—nga nnđa ha zwiliwa, fhedzi izwo no vha ni tshi do kundelwa u zwi ita tshifhinga tshilapfu nga nnđa ha madi. No vha ni tshi do tou omelela na fa. Ni fanela u vha na madi. Huno—huno dora li no da kha inwi, mulandu, ndi u sumbedza uri muvhili u toda tshinwe tshithu, u ita uri u dzule u tshi tshila. Muvhili u tea u vha na madi, uri u dzule u tshi tshila. Inwi ni phesente dza fumalo na zwithu dza madi na pečiroliamu, naho zwo ralo, huno ni tea u dzhia izwi zwiko ngomu, uri ni dzule ni tshi tshila. Sa izwi ndo amba, arali izwo na dihangwisa zwone ni do lovha.

<sup>47</sup> Hafhu dora ndi thavhamukosi. Ndi watshi i re na thavhamukosi, uho u vha na dora. Muya u lidza watshi i re na thavhamukosi, tshisenengedzi tshiłuku ngomu hańu tshi no ni vhudza uri lufu lu khou mona-mona tsini. Uri, arali ni sa wani madi nga u ḥavhanya nga maanda, ni tea u fa. Huno mubvumo u a aluwa na u aluwa, u swika mafhedziseloni ni tshi dzulela u i dzima huno ni do fa, ngauri ndi watshi i re na thavhamukosi.

<sup>48</sup> Vhunga Dafita o zwi talutshedza hafha kha Dziphisalema, "Sa tholo i tshi tulutshelwa milambwana ya madi, ngauralo maya wanga u ḥulutshelwa Iwe, Oo Mudzimu." Sa tholo i tshi tulutshelwa mulambwana wa madi!

<sup>49</sup> Ndo no elekanya kanzhi, musi ndi tshi vhala izwi zwa Dafita. Dafita o vha e munna wa ḫaka, muzwimi. Huno o zwima nyala, a hu na zwiniwe. Huno vhunzhi hashu, nga lino ḫuvha, ri a dzi zwima. Tholo ndi nyala.

<sup>50</sup> Huno ri wana, arali no no vhuya na vhona dzimmbwa, maṭarelwa a do fara nyala. Huno kanzhi a na, vhunga

phunguhwe, lino lihulwane la vhuhali. Huno i kona u fara nyala heneffo nga nthha ha duma la n̄devhe, *hafha*, huno ya dembetita tshileme tshayo. I tumula mukulo wa nyala, huno zwenezwo nyala a i na tshikhala. Fhedzi tshiñwe tshifhinga m—m—mmbwa, vhunga ngei kha la Afurika, litarelwa li do fara nyala heneffo kha zwizwa, arali li tshi balelwa nga mukulo. Li do fara, lwa vhuvhili, kha tshizwa. Huno arali nyala yo khwātha lwo edanaho nahone i tshi ḥavhanya lwo edanaho, i nga kona u hukhutha mmbwa.

<sup>51</sup> Nyala i a ḥavhanya u fhirisa. Mmbwa i a i dodela musi i sa khou sedza, na musi i tuyani u bvaho khayo, huno—huno a—a i ḥivhi uri m—mmbwa i tsini.

<sup>52</sup> Huno zwenezwo, musi liṭarelwa li tshi i fara, arali li tshi ḥavhanya vhukuma, li nga i posela phasi. Huno, fhedzi musi mmbwa i tshi bva ngomu ha tshizwa, i vha i na tshidalamulomo tshoṭhe tsha nama ya nyala. Kana, musi i tshi fara mutsinga wayo tshiñwe tshifhinga, i do tumula tsini na lutsinga luhulu, huno ya i balela. Huno nyala, i tshi khou i dzinginyisa, i do kokodzela nnda tshipida tsha nama tshoṭhe tshi bvaho kha mukulo wa nyala, zwenezwo malofha a thoma u gidima.

<sup>53</sup> Huno zwenezwo mmbwa i do da heneffo vhuṭalani ha ayo malofha, murahu ha nyala. Huno musi vhutshilo ha nyala vhu tshi thoma u ḥothela, musi malofha, ane a vha ludambwana lwa vhutshilo kha muvhili, musi uvho vhu tshi thoma u ḥothela, nyala i fhelelwa nga nungo. Huno zwenezwo mmbwa, kana phele, i heneffo murahu ha nyala.

<sup>54</sup> Zwino, arali iyo nyala i sa wani mađi! Zwino, mađi a na tshiñwe tshithu ngomu hao, uri, musi nyala i tshi nwā mađi, tshi imisa u nzuruma ha malofha. Fhedzi arali i sa wani mađi a u i rothodza, zwenezwo ma—malofha a dzulela u elela nga u ḥavhanya; ngauri i khou gidima, i tshi ita uri mbilu yayo i dzulele u bommba. Fhedzi arali ya vhuya ya ya mađini, nyala i do tshila.

<sup>55</sup> Zwino hu na ngudo khulwane heneffo, ni a vhona, na Dafita a tshi amba hafha, “Sa tholo i tshi ḥulutshelwa mulambwana wa mađi, myua wanga u ḥulutshelwa Iwe, Oo Mudzimu.”

<sup>56</sup> Zwino iyo nyala i a ḥivha, nndani ha musi i tshi wana mađi ndi hone yo ṭuwa. I nga si tou tshila. Ndo no dzi londa zwifhinga zwinzhi nga murahu ha musi dzo no hvuhala. Musi i tshi swika kha ludambwana lwa mađi, i do piringanya ngomu huno ya wana tshinwiwa, ya pfuka muvhundu; ya tsela phasi, ya piringanya, ya wana tshinwiwa tsha mađi huno ya gonya. Ni nga si i swikelele na kathihi, musi i tshi do di tevhela ulwo ludambwana. Fhedzi musi i tshi tou ṭuwa kha ludambwana, arali i sa wani muňwe mulambwana wa mađi huňwe fhethu, ni do mbo di i fara. Huno izwo nyala i a zwi ḥivha, ngauralo i

do dzula na madi, hune i nga ya khao nga u t̄avhanya. Zwino naa no vha ni tshi nga humbulela nyala yo takusela ningyo yayo nthā, yo fashwa nda huiri fhethu hune hu si vhe na madi?

<sup>57</sup> Huno u ri, "Sa tholo i na dora kana i tshi tulutshelwa (ndi dora) milambwana ya madi, myua wanga u na dora L̄au, Oo Mudzimu. Ndāni ha musi ndi tshi nga U wana, Murena, ndi do lovha. Ndi—ndi—ndi nga si tuwe ndāni ha musi ndi tshi U wana!" Huno musi munna kana musadzi, mutukana kana musidzana, a tshi vha na ulwo lushaka lwa dora la Mudzimu, u khou yo wana tshiñwe tshithu. Ni a vhona?

<sup>58</sup> Fhedzi musi ri tshi da khazwo, ri tshi tou khauledza, "Zwo luga, ndi do wa nga magona huno nda vhona zwine Murena a ita." Ni a vhona, a ni athu vha na dora zwa vhukuma. Hu tea u vha na dora vhukati ha lufu na Vhutshilo, huno zwenezwo tshiñwe tshithu tshi a itea.

<sup>59</sup> Nyala, hafhu hafha i... Ri wana uri hafhu i na tshiñwe tshipfi, tsha munukho, tshi no lidza t̄avhamukosi ngomu hayo musi swina layo li tsini. I na, itsi tshivhumbwa tshitu, tshi—tshipfi tsha u d̄itsireledza. Huno i na—i na t̄avhamukosi thukhu ngomu hayo, tshiñwe tshithu tshitu, ine ya senengedza ningyo yayo musi swina li tsini. Ni nga dzhena muyani wa swina, huno i a divha uri ni heneffo, huno ndi hone yo ya. Tshiñwe tshifhinga vhukule ha hafu ya maela, i kona u ni fembedza huno ya shavha, kana phele kana inwe khombo. I a kona u i pfa ngauri yo itwa nga heyo ndila. Ndi nyala, nga mupo. Huno itsi tshipfi ngomu hayo tshi tou vha tshiñwe tshe Mudzimu a i nea tshone, zwipfi khayo, u tshila ngazwo.

<sup>60</sup> Huno nda elekanya, ndi tshi khou vhambedza nyala na muthu a re na dora la Mudzimu, swina li sa athu swika heneffo. Hu na tshiñwe tshithu malugana na ñwana wa Mudzimu, uri musi no no bebelwa Muyani wa Mudzimu, ni tanganedza ndovhedzo ya Muya Mukhethwa, hu na tshiñwe tshithu malugana na muthu ake a nga pfa swina. Ni nga dzhia muthu musi a tshi khou dzhia Luñwalo, huno a tshi khou vhala Luñwalo huno a lingedza u t̄avhela tshiñwe tshithu kha ulwo Luñwalo, itsi tsho fhambanaho na Luñwalo, muthu o dalaho Muya Mukhethwa a nga [Mukomana Branham u lidza munwe wawe—Mudz.] zwi pfa hezwo, nga u t̄avhanya. Hu na tshiñwe tshithu tsho bvaho ndilani. Musi i tshi dzhena fhethu, huno—huno itsi tshipfi tshitu tsha vhukuma ngomu heneffo, itsi tsho itelwa u tsireledza vhutshilo hanu. Inwi, a no ngo fanela, a no ngo fanela u tanganedza tshithu ndāni ha musi tshi tshi tou vha kokotolo na Ipfi la Mudzimu. Ni tea u dzula kokotolo na ilo Ipfi. Huno, zwino, huno ro vhavhalelwaa nga itsi tshipfi musi ri tshi kha di vha kha Muya Mukhethwa.

<sup>61</sup> Ni nga ya na vhala, huno vhunga u nea tsumbo, muñwe a tshi amba, huno nda ya nda vhala kha Marko 16, huno ya ri,

“Huno izwi zwiga zwi ḋo tevhela vhane vha tenda: Nga Dzina Łanga vha ḋo pandela vhodiabolo; vha ḋo amba nga dzindimi ntswa; kana vha takula maṇowa, kana vha nwa zwithu zwi vhulayaho, a zwi nga vha tshinyi; arali vha tshi vhea zwanda zwavho kha vhalwadze, vha ḋo fhola.”

<sup>62</sup> Zwino, zwenezwo, ni wana muthu a tshi takuwa henefho huno a ri, “Zwino, izwo zwe vha zwi zwa tshikhathi tsha vhaapostola.” Hezwo, zwino, nga u ṭavhanya, arali no no tanganedza Muya Mukhethwa, no ambadzwa itsho tshipi. Tshi a lila. Hu na tsho khakheaho henefho. Ni a vhona? Vha lingedza u zwi ḫalutshedzela kule, uri ndi zwa lińwe duvha, uri zwa vhukuma a ni ḫodi izwo zwithu ḥamusi. Fhedzi Yesu o ri, “Izwi zwiga zwi ḋo tevhela vhane vha tenda.” Ni a vhona, hu na tshińwe tshithu tshiṭuku tshi no lila ngomu hanu, tshisenengedzi tshiṭuku, u ḫivha uri itsho tsho khakhea na uri iyo ndi ndila ya lufu.

<sup>63</sup> Ngauri, Yesu o ri, “Arali ri tshi engedza ipfi lithihi kha Heyi, kana ra dzhia Ipfi lithihi Khayo, mukovhe washu u a ḫuswa Buguni ya Vhutshilo.” Ni a vhona, hu si ni Luńwalo luthihi. Ri fanela u Łi dzhia nga ndila ye Ła ḥwalwa. Huno Mudzimu u sedzesza Ipfi Lawe, u Łi ita, huno ri a ḫivha uri Ło tea u tou vha ḥone-ḥone.

<sup>64</sup> Ngauralo-ha, hu sa londwi zwine tshivhidzo tshi nga amba, zwine muńwe-vho a nga amba, arali no bebwā nga Muya wa Mudzimu, ni vha tshipida tsha Bivhili. Mudzimu o vhudza Hesekiele, ene, muporofita. O ri, “Dzhia luńwalo huno u lu le,” zwenezwo muporofita na luńwalo tshińwe tsha vha tshipida tsha tshińwe. Huno uyo ndi mutendi musi a tshi ṭanganedza Muya Mukhethwa; Muya Mukhethwa wo ḥwala Bivhili, huno Muya wa Mudzimu ndi Ipfi la Mudzimu. “Maipfi Anga ndi Muya. U rangani Ipfi o vha e hone, huno Ipfi o vha e na Mudzimu, huno Ipfi o vha e Mudzimu. Huno Ipfi a itwa ḥama huno a dzula vhukati hashu.” Vhaheberu 13:8, “Ha shanduki mulovha, namusi, na lini na lini.” Huno musi ni tshipida tsha ilo Ipfi, oo, zwenezwo i ri ni tshińwe tshithu tshi ḫe tsho fhambanaho na ilo Ipfi, [Mukomana Branham u lidza munwe wawe—Mudz.] hu na tshisenengedzi tshiṭuku tshi no lila nga u ṭavhanya. Ni a vhona, Ndi u ni tsivhudza uri lufu lu ndilani. A ro ngo tea u zwi ita hezwo na kathihi. Hafhu hu na . . .

<sup>65</sup> Madora aya a tou vha a mupo. Ndi a mupo kha Mukriste. Ndi a mupo kha muthu.

<sup>66</sup> Hafhu hu na ḫora la mvelelo. Whathu vhanzhi ḥamusi, nga ndila ine ra funzwa nga ha ili ḫora! Ri kha di bva u dzhieła nzhele, vho thoma yunivesithi. Huno ri tsela phasi henengei, huno whathu vha shumisa doļara dza zwigidi u rumela vhana vhavho tshikoloni, na—na kha dziyunesithi na dzikholidzhi, na zwińwe-vho, u wana pfunzo, “U bvelela,” vha hu vhidza

nga u ralo, “vhutshiloni.” Fhedzi zwino a thi na tshithu tshi lwaho na hezwo, zwino, izwo two luga. Fhedzi, kha nne, ni nga wana u funzwa hothe shangoni, huno ni kha di vha a sa athu wana mvelelo yone-yone. Izwo ndi zwone. Ngauri, izwo zwi do ni leludzelanyana zwithu lwa tshifthinganyana fhano. Huno hu na... Fhedzi musi ni tshi fa, ni sia izwo zwothe, na iyi ekonomi yothe ine ra vha nayo.

<sup>67</sup> Ndo vha ndi tshi khou zwi amba linwe dufva, ngei Phoenix. Zwi tea u dovha zwa redzwa, zwauri, “Vhutshilotshedza uvhu hothe ha musalauno, mbekanyamushumo yothe ya pfunzo, mbekanyamushumo yothe ya saints, zwothe zwo fhambara na Ipfila Mudzimu na lufuno Lwawe.” Vhutshilotshedza zwa vhukumakuma vhu... A hu nga vhi na vhutshilotshedza shangoni li daho na kathihi, vhunga hovhu. Uvhu ndi vhutshilotshedza ho shandeaho. Mudzimu o vha e na vhutshilotshedza Hawe ha u thoma kha lifhasi, musi A tshi amba Maipfi Awe huno zwa bvelela, mbeu iñwe na iñwe nga lushaka lwayo, huno kha uvho vhutshilotshedza ho vha hu si na lufu, vhulwadze, matungu. Huno zwino ri dzhia zwithu zwi re shangoni la saints, zwe zwa vhewa fhano uri li farekane, huno ra li shandela kha tshiñwe tshithu, huno uho hu disa lufu.

<sup>68</sup> Vhunga bomo ya atomo. A thi ñivhi fomula dza hezwi zwithu, fhedzi ndi nga amba izwi nga ndila yo khakheaho. Vha dzhia urani, u padula mo—molekule, huno molekule u a kwashea wa vha dziatomo. I itani-ha? I tou thuthekanya tshothe, zwa ñodou ralo, i tou tshinyadza. Tshiñwe na tshiñwe tshire ra ita!

<sup>69</sup> Ri dzhia mushonga, ra tanganya *iyi* fomula na *iyi* fomula, u fhodza *hovhu*, huno ra u dzenisa kha riñe. Huno ri itani? Ri kwashekanya tshiñwe tshithu-vho.

<sup>70</sup> Zwino ndi a humbulela no vhalala, no vhalala *Reader's Digest* ya ñwedzi wo fhiraho, ye ya amba uri, “Kha itshi tshikhathi tshire ra khou tshila khatsho zwino, uri, vhathannga na vhasadzi vha nga swika kha murole wa vhukati kha vhukale vhu re vhukati ha miñwaha ya fumbili na fumbilithanu.” Elekanyani hezwo. Vhasidzanyana vha si na matambo, huno fumbili, na fumbilimbili na fumbiliraru ya miñwaha nga vhukale, murole wa vhukati. Ni a vhona, zwe zwa ita hezwo, zwo vha izwi zwiliwa zwo tanganelaho na zwithu zwine ra zwi la. Ni a vhona, ndi zwithu, zwiliwa na vhu—vhutshilo vhune ra vhu tshila. Vhasaintsi vho vhu disa kha riñe, huno, nga u ita nga u ralo, vha khou ni vhulaha.

<sup>71</sup> Ndo vha ndi Afurika he nda vhona avho vhatukana vha sa athu u nwa mushonga na kathihi vhutshiloni havho. Vha la nama i re na zwivhungu. Vho nwa tivhani le la vhonala li tshi nga li nga vhulaha phulu. Huno ndo vha ndi tshi khou thuntsha kha gobane i kha dzharata dza ñambili, huno ndo

kundelwa u i vhona nga phere ya ferekekere dla maanda a mađana a sumbe na mahumi mađanu. Huno munna a no eđana na nne nga vhukale o vha o ima heneffo, a tshi mmbudza he ya rwiwa hone, nga ito lawe li songo ambaraho tshithu. Zwino, arali iyi mvelele yothe ya musalauno yo ita tshiňwe tshithu... ndi pfa uri arali ndo vha ndi na mađo awe na thumbu yawe, ndo vha ndi tshi do vha munna wavhuđi nga mađa. Iina.

<sup>72</sup> Fhedzi heneffo ni hone, ni a vhona, izwo ndi zwine saints, pfunzo, vhutshilotshedza, ri tshinyadzwa ngaho. Ri a ditshinyadza. Zwo thoma ngadeni ya Edeni, huno na ñamusi zwi kha di gidi. Fhedzi, u vha na dora la mvelele!

Zwenezwo, ri vha na dora la vhučama. Ri a tuwa, ri ḥoda vhučama.

<sup>73</sup> Zwi nga muđhannga na khomba. Zwino, a si zwi sa ḥodei kana a si (ndi khou amba) zwi si zwa mupo muđhannga na khomba u—u funana. Ndi dora la lufuno. Ndi tshikhathi tshavho, huno vha—vha a funana. Huno a si zwi si zwa mupo, izwo zwi tou vha tshithu tsha mupo khavho u zwi ita.

<sup>74</sup> Zwino ri wana zwithu zwinzhi, vhutshiloni vhune ra tshila kha muvhili wa mupo, zwine ra vha na dora lažwo. Tshi tou vha tshiňwe tshithu tshi dzulaho ngomu hashu. Ri ḥodou zwi ita, ri a zwi pfa vhukumakuma uri zwi a ḥodea. Huno zwi a ḥodea uri ri zwi ite.

<sup>75</sup> Ri wana vhasadzi vhanzhi, mađuvhani ano, vha na dora la lunako. Zwino a hu na musadzi... Ndi tshithu tsha mupo musadzi a tshi vha na dora la u naka. Ulwo ndi—ulwo ndi luvhudzi lwawe lwe a ñewa nga Mudzimu na—na lunako lwawe lwe Mudzimu a mu ñea lwone a tshi itela ñhama yawe. Huno zwino ri wana uri vhasadzi vha ḥodou vha nga heyo ndila. Ndi ngani zwo ralo? Hu tou vha ngauri hu tshiňwe tshithu tshe Mudzimu a mu ñea. Huno a zwo ngo khakhea vhasadzi vha tshi naka. Vho tea.

<sup>76</sup> Huno, ni a ñivha, ndi vhone tshivhumbwa tshi tshothe tshine—tshine tsha tshisadzi tsha vha tsho nakaho u fhira tsha tshiduna, ndi kha lushaka lwa vhatu. Phukha iñwe na iñwe, dzhiani kho—kholomo ya tsadzi kha ya mboho, nyala ya tsadzi kha davhu, phambo kha mukukulume, mme tshiqoni kha khotsi tshiqoni, tshifhinga tshothe ni wana tsha tshiduna tshi tshihulu nahone tsho naka. Fhedzi kha lushaka lwa vhatu, zwi sumba uri heneffo ndi hune u shandea ha vha hone, zwi a shanduka; huno ndi vhasadzi vho—vho nakaho, huno vha emula u naka.

<sup>77</sup> Hu si ni vhunga izwi zwiňwe zwivhumbwa zwi sa pfesesei zwine ra zwi vhona tshiqarađani tsha liño ñuvha; hai, hai, hu si ni ulwo lushaka lwa lunako. Hai. Ilo ndi bono li vhonalaho lo vhfhesa le nda vhuya nda li vhona vhutshiloni hanga. Ee, muñe wanga. Uho ndi u shandea hune ha khou shanda dora la ngoho.

<sup>78</sup> Zwino, dora la ngoho line musadzi a tea u vha nało, li do vha la uri “vha ditame nga zwiambaro two fanelaho, na u vha na maya u no nga wa Kristo,” Timotheo Ya U Thoma 2:9. Zwino iyo ndi ndila ine musadzi a tea u vha na dora ngayo. Zwino arali ni tshi ḥodou naka, iyo ndi ndila ine ya ni ita uri ni nake, ni a vhona, ndi maya u no nga wa Kristo, nahone no ditama nga zwiambaro two fanelaho.

<sup>79</sup> Yawee, nnenne, vhańwe vha avha vhathu ńamusi vha nnanda zwiżaraṭani! Ni nga si ṭalule munna kha müsadzi, huno ndi—ndi tshithu tshi vhonalaḥo tsho vhifhesa tshire ni nga... ndi nga si, ndi—ndi... a—a thi athu vhona tshithu tshi no nga tshone, tshi no nga vhathu. Zwi nga ńtha ha muthu. Maṭo o penndwa ńtha nga ndila *heyo*, nahone, ni a ǵivha, ayo maṭo a vhonalaḥo a tshi kanukisa a tswina, na izwo zwiambaro zweṭhe zwi vhonalaḥo zwi tshi kanukisa. Huno, mulandu, a zwi vhuyi... Zweṭhe zwe bva tshivhumbeoni, a vha vhuyi vha vhonala sa muthu. Huno vhańwe vha avho vhatukana nnanda hafha, vha na mavhudzi o gamelwaho fhasi, rolara dza khāladzi avho, nga phanda *hafha*, ni a ǵivha, mulandu, ndi u shandea ho vuledzeaho! Izwo ndi zwone. Ndi—ndi—ndi Saṭhane, huno Saṭhane ndi mushandi.

<sup>80</sup> Musi Mudzimu a tshi ita tshińwe na tshińwe ngadeni ya Edeni, tsho vha tsho naka, zwenezwo Saṭhane a dzhena huno a shanda. Saṭhane ha koni u sika tshithu. Hu na Musiki muthihi fhedzi, uyo ndi Mudzimu. Fhedzi Saṭhane u shanda tsiko ya mathomo. Huno zwino o dzhena (ndi ḥodou amba nga ha heli madekwana a ńamusi) kha u shanda tsi—tsiko ya mathomo ya dora.

<sup>81</sup> Zwino, musadzi, sa izwo ndo no amba, u ḥoda u naka. Hu na tshińwe tshithu ngomu hawe, uri ndi wa tshisadzini huno u ḥodou vha nga *heyo* ndila.

<sup>82</sup> Fhedzi nga ndila ine vha vha ngayo tshiżaraṭani ńamusi, mavhudzi o ḥunyiwa sa a munna, vha tshi ambara zwiambaro zwa vhanna; huno zwenezwo vhanna vha swika, vho ambara zwiambaro zwa vhasadzi, na kugerele ku ngaho kwa musadzi. Ni a vhona, ndi u shandea, tshithu tshoṭhe! Zwiliwa zwańu two shandiwa. Vhutshilo hanu ho shandiwa. Dora lanu, lo shandiwa. Lutamo lwańu lwo shandiwa. Ndi duvha la u shandea!

<sup>83</sup> Ndo vha ndi tshi khou amba fhano, a si kale-kale, nga ha *Edeni Ya Saṭhane*. Mudzimu o dzhia miňwaha ya zwigidi zwa rathi, huno a ita Edeni yo fhelelaho. Sathane o da huno a fafadzela idzo mbeu, huno a dici holefhadza. Zwino u na miňwaha ya zwigidi zwa rathi, huno u na Edeni yawe ene muńe ya saints, ngei murahu hafhu kha u shandea ha tshi re tshone.

<sup>84</sup> Huno itshi ndi tshikhathi tsha u bebisä nga ḥhanganyo, u bebisä nga ḥhanganyo. Vho vhuya vha na zwi—zwivhidzo

namusi, u swika zwi tshi vha zwibveledzwa zwa thanganyo. Izwo ndi zwone. Vha dzhena hafha, vha sokou ya tshivhidzoni, ndi tshifhaṭo tsho hiriswaho vhudzuloni ha tshivhidzo. Tshivhidzo ndi fhethu hune vhathu vha ḫa hone huno vha rerela Mudzimu nga Muya na nga Ngoho. Huno namusi ndi tshifhaṭo tsho hiriswaho. Ri ya henengei huno ra vha na tshifhinga tshituku tsha u khađana, na vhuṭama, na gofhi ntswu murahu tshifhaṭoni, huno ra ya hayani u swika vhege i ḫaho, huno ro ita mushumo washu wa vhurereli.

<sup>85</sup> Zwino ndi tshikhathi tsho shandiwaho. Huno Saṭhane u khou shanda haya madora e Mudzimu a a vhea kha inwi, u vha na dora. Saṭhane u khou a shanda. Zwino arali ni tshi ḫodou divha tshi re tshone, u shandea...

<sup>86</sup> Arali vhoinwi, vhasadzi, ni tshi ḫodou naka, dzhiani Timotheo Ya U Thoma 2:9, uho ndi uho ha uri "vha ḫitame nga zwiambaro—zwiambaro zwo fanelaho, nga maya u no nga wa Kristo, wa vhulenda, vha no thetshelesa vhanna vhavho," na zwinwe-vho. Iyo ndi ḫnila ine na tea u ḫitama, vhutshilo hanu vhune na vhu tshila.

<sup>87</sup> U shanda mupo wa ngoho wa Mudzimu, na dora la ngoho la Mudzimu, la muvhili na maya, nga nyemulo ya tshivhi. Tshivhi, u shandea! Zwino ri wana uri, muthu namusi, nga ḫnila ye vha dzhia u shandea uho; dora la Mudzimu, dora la u ḫodou naka, na haya madora othe. Ngauri, la madi, ilo vho li shandukisela kha u li fusha nga u nwa. Dora la dakalo, muñwe na muñwe u ḫodou vha na dakalo; dora la vhuṭama; haya madora mahulwane othe e Mudzimu a a dzenisa ngomu hashu, uri ri de ri vhe na dora Lawe. Mudzimu o ni ita uri ni vhe na dora Lawe, huno ri lingedza u li fusha nga luñwe lushaka lwa dora, nga luñwe lushaka lwa u shandea ha dora la vhukuma. Ni a vhona uri zwi hani kha mupo? Ni a vhona uri zwi hani tuyani? Ri a elekanya, musi ri tshi khou di vha mirado ya tshivhidzo, izwo—izwo zwi a phetha, ndi zwenezwo fhedzi zwine ra tea u ita. Zwo ralo, izwo zwo khakhea vhukumakuma. Hai.

<sup>88</sup> Mudzimu u ḫoda ni tshi vha na dora Lawe! "Sa tholo i tshi tulutshelwa mulambwana wa madi, maya wanga u na dora Lau, Oo Mudzimu." Ni a vhona? Ni a vhona?

<sup>89</sup> Zwino, arali iyo nyala yo vha i tshi khou tulutshelwa mulambwana wa madi, mini-ha arali muñwe a da, huno iñwe khonani ya nyala yo vha i tshi nga ḫa, huno ya ri, "Edzonu ri, ndi ḫo ni vhudza zwe nda—nda vha ndi tshi do ita. Ndi divha hune ha vha na dindi la thophe phasi hafha." Zwo ralo, izwo nyala yo vha i si nga zwi ḫodi. Yone, izwo zwo vha zwi si nga i farisi tshithu.

<sup>90</sup> Huno a hu na tshithu tshine tshi nga fusha ilo dora line la vha kha muthu, u swika Mudzimu a tshi dzhena. U tea u vha Nae, kana a fa. Huno a hu na muthu a re na pfanelo

ya u lingedza u fhumudza kana u fusha ilo dora likhethwa, li re khae, nga zwithu zwa shango. Hai, muñe wanga. Ndi u sa ofha Mudzimu u ita nga u ralo. Huno arali ni tshi vha na dora ja Mudzimu, ni songo khadana na mureri huno na ñwala dzina lañu kha bugu. Arali ni na dora ja Mudzimu, hu na tshithu tshithihi fhedzi tsha u li fusha, itsho ndi, tangananani na Mudzimu. Arali ni na dora ja Mudzimu, iyo ndi yone ndila i yothe ine ni nga tangana Nae, u ita hezwo.

<sup>91</sup> Huno zwenezwo hu na khombo khulwane, hafhu, arali ni sa sedzesi zwine na ita nga itsho tshifhinga. Arali ni na dora ja Mudzimu, ivhani na ngoho ya uri ndi Mudzimu ane na mu wana. Ni a vhona, ivhani na ngoho ya uri ndi dora lañu lo fushwaho. Fhedzi arali Sathane o kona u ni shanda, kha iyi mithetshelo ya mupo, huno izwo u do ita arali a tshi kona, u do—u do sokou ni ita uri ni lingedze u fushea.

<sup>92</sup> Munna u a bva, ndi mini tshi no ita uri munna a kambiwe? Ndi ngauri u a vhilaela nahone o kwashekana. Hu na tshiñwe tshithu tshi no shaea khae.

<sup>93</sup> Ndo vha ndi ha Mayo, fhano zwi si zwa kale-kale, nahone ndo vha ndi ngei n̄ha malugana na muhudzisano. Huno zwenezwo zwa ambiwa kha hezwi, zwauri, u amba nga ha u nwa, huno nda vha vhudza uri khotsi anga vho vha vha tshi nwa.

Vha ri, “Ndi mini tshe tsha mu ita uri a nwe?”

Nda ri, “A thi divhi.”

<sup>94</sup> A ri, “Ndi ngauri ho vha hu na tshiñwe tshithu tshe (vhone) tsha vha tshi sa vha fushi, huno vha elekanya uri vha nga nwa uri vha tshi posele kule ha ñhalukanyo yavho.”

<sup>95</sup> Nda zwi fara nga tshenetsho tshifhinga, ni a vhona. Zwa vhukuma ho vha hu Mudzimu, e tshone tshithu fhedzi tshire tshi nga fusha ilo dora. Mudzimu Ene muñe ndi ene tshithu fhedzi tshire tshi nga fusha ilo dora ja muthu, u tanganedza Mudzimu.

<sup>96</sup> Zwino Sathane u dzhia hezwi zwithu, sa izwi ndo amba, huno a zwi shanda. Zwenezwo arali ni—arali ni... Arali ni si nga ñei ilo dora fhethu hone-hone vhutshiloni hanu, huno ni si vhe na dora nahone na dzhia zwithu zwa Mudzimu a ñea u imisa ilo dora ngazwo, u li dzimula, zwenezwo Sathane u do ni ranga phanda kha mativha a tshika a sa eleli a lino shango. Ni fanela u vha naþo huñwe fhethu. Arali ni sa wani zwiliwa, ni do la kha gani ja mashika. Ni a vhona? Huno arali ni—arali no kundelwa u wana madi, huno no vha ni tshi khou fa, no vha ni tshi do nwa kha ti—tivha ja lushaka luñwe na luñwe, ngauri ni tshi khou lovha.

<sup>97</sup> Fhedzi a hu na tshiitisi tsha hezwo, musi ni na dora ja Mudzimu, ngauri Mudzimu ndi Mudzimu a tshilaho, hu si ni

tshinwe tshithu tsha dihvazwakale. “Muya wanga u na dora Lau, Mudzimu a tshilaho,” Tshinwe tshithu tshine tsha nea madi a tshilaho, Tshinwe tshithu tshi no fusha.

<sup>98</sup> Hu na muñwe mupo, la mupo, dora la mupo fhedzi, kha ilo dora la maya. Ni nga di ri, “Mukomana Branham, naa ilo dora la maya, ndi la mupo?” Ee, ulwo ndi lwa mupo maya u tshi vha na dora. Huno zwo ralo, ngauri Mudzimu o ni ita nga heyi ndila, u itela uri ni vhe na dora Lawe. U todou ni tshi vha na dora Lawe. Zwino, Mudzimu o ni ita nga u ralo. O vha a sa tei u ni ita nga u ralo, fhedzi O zwi ita. Huno arali O vha a songo ni ita nga u ralo, uri ni vhe na dora, ho vha hu tshi do vha na tsha u dilandula Tshiduloni tsha Khatihulo, na ri, “A—a—a tho ngo vha na dora la Mudzimu na kathihi.” Fhedzi, a hu na tsha u dilandula, ni a ita. Ni do li ita nga inwe ndila; ni nga di li ita mufumakadzi wañu, ni nga di li ita modoro wañu, ni nga di li ita tshinwe tshithu-vho, ni nga di ya tshivhidzoni huno na lingedza u li fusha. Huno a thi na tshithu tshi no lwa na u ya tshivhidzoni, fhedzi itscho a si pfusho. Ndi u wana Mudzimu, Mudzimu a tshilaho, Mudzimu wa Tañulu, muyani wañu, a no fusha u tulutshelwa uho na u vha na dora hune na u tulutshelwa.

<sup>99</sup> Zwino, ngauri, O ni ita uri ni vhe na dora Lawe, u itela vhuñama Hawe. Zwino, hu na dora la vhukumakuma la vhuñama. Zwino ri takalela u tangana nga tshashu. Ri khou ita hezwo madekwana a namusi. Ri tangana fhano madekwana a namusi ngauri ri takalela u vha na vhuñama, muñwe na muñwe. Ndi ngani ri tshi ita hezwo? Ndi ngauri hu na tshinwe tshithu kha riñe tsha uri ri todou tangana nga tshashu. Izwo zwi tou vha zwa mupo. Huno zwino ri tangana kuhumbulele ku kuthihi fhano, ndi uri, ngauri rothe ri na dora la Mudzimu. Ni a vhona? Huno zwenezwo ri tangana fhano nga kuhumbulele kwo doweleaho, kuthihi fhano kwa vhuñama. Tshivhidzoni madekwana a ñamusi, fhano, hu nga di vha na mihibulo yo fhambanaho ya dinomineisheni na zwiñwe-vho; fhedzi musi zwi tshi da kha ilo dora, ri nga tangana kuhumbulele ku kuthihi, kuhumbulele kuthihi: rothe ri vha na dora. Vhañwe vha nga di tenda kha u shasha, muñwe kha ndovhedzo, huno muñwe kha u shululela, kana zwiñwe-vho; fhedzi zwi tshi da kha dora la Mudzimu, ri—ri da kha kuhumbulele kuthihi kwa u andana. Huno Mudzimu o ri ita uri ri ite hezwo, ri vhe na dora Lawe na la vhuñama Hawe. A thi dihvi tshithu . . .

<sup>100</sup> Musi ndi kha di vha mutukanyana, ndi a elelwa uri ndo aluswa mutani u shayaho vhukuma. Huno ndi a elelwa zwifhinga zwinzhi ndi tshi bva na vhatukana. Ndo kundelwa u ambara vhunga ndi tshi bva nda ya fhetu hu huliseaho. Fhedzi, a—a thi dihvi, hu na tshinwe tshithu malugana na vhatu, tshe nda vha ndi tshi tshi takalela. Ndo vha ndi tshi takalela u vha navho. Fhedzi ndo vha, ndi tshi todou fana, na tshi no vhidzwa, nngu ntswu. Huno musi ndo no tshidzwa

huno nda wana its ho Tshiñwe tshithu kha nñe, tshe nda vha na dora latsho, kho—Khonani, Muthu a no do vha thama yanga, Muthu ane nda do mu fulufhela, Muthu ane ni nga dzula fhasi nae huno na amba vhuleme hanu nae. Huno musi... nda wana iyo pfusho ya vhukumakuma musi ndi tshi wana Yesu Kristo, uyo Mufushi wa vhukumakuma a no tuwisa zwothe—zwothe... a no dzimula ilo dora lothe, huno a ni nea Tshiñwe tshithu tshi—tshi no tou vhonala unga a hu tou vha na tshithu tshine tshi nga dzhia fhethu Hawe.

<sup>101</sup> Huno zwino nga ndila ine Sañhane a lingedza u shanda uhu u fushwa ha maya, ilo dora la maya! U lingedza u ni nea tshiñwe na tshiñwe u li fusha. Huno u fhura nga maanda mađuvhani haya a u shandea. Ili ndi shango lo shandeaho. Ndi lushaka lwo shandeaho. Vhathu vho shandeaho. Tshiñwe na tshiñwe tsho shandea, nahone tsho shandea nga zwițuku nga zwițuku nga maanda u swika tshi tshi vha tshikhathi tshi fhuresaho tshe ra... muniwe muthu a vhuya a tshila khatsho. Tshi fhura lwo engedzeaho u fhira zwe tsha vhuya tsha vha zwone.

<sup>102</sup> Zwino inwi ni tou—inwi ni nga si tou humbulela uri lushaka lu vho fhura hani, na vharathu vhashu, vhunga vhathe vha Amerika.

<sup>103</sup> Ndo vha ndi tshi khou amba tshiñwe tshifhinga tsho fhiraho. Ndo vha ndi maṭakanı vhege dzi si gathi dzo fhiraho huno nda wana pa—pa—paka ya sigarete i maṭakanı. Huno henehfo khayo yo ri, “Sefo ya munna a elekanyaho.” Huno nda tsela fhasi vhukati ha maṭaka phandanyana, huno nda vhuya; nda dzulela u elelwa thalukanyoni yanga, “Sefo ya munna a elekanyaho, na muthetshelo wa munna a no dahan.”

<sup>104</sup> Ndi zwone, ndo vha ndi World Fair, miňwaha yo vhalaho yo fhiraho, ni a elelwa musi vho vha vhe na uļa Yul Brynner na avho vhothe henengei, musi vho vha vha tshi khou ita misumbedzo ya dzisigarete. Na nga ndila ye vha dzhia uvho vhutsi huno vha vhu sikićedza kha tshipida tsha mabulu, huno vha dzhia Q-tip huno vha fhala iyo nikotini henehfo, huno vha i ḋodza muṭanani wa mbevha. Nga mađuvha a sumbe, yo vha yo no vha na pfuko nga maandesa lwe ya kundelwa u ima nga milenzhe yayo. Ni a vhona, nga sigarete nthihi! Huno zwenezwo vho sumbedza ndila ine iyo ya dzhena fhafhuni la muthu. Vhaiwe vhavho vha ri, “A thi femeli ngomu. Ndi tou hwimbedzela mulomoni wanga.” Zwi sumbedza ndila ine ya dzhena kha mare huno ya tsela fhasi lu fanaho, ngomu mukuloni, ni a vhona.

<sup>105</sup> Huno zwenezwo uyu munna o ri, “Ni vhona hu tshi ambeswa nga ha sefo.” A ri, “Zwino, arali ni na lutamo,” hu na dora, ni a vhona, “lutamo lwa u daha sigarete, sigarete nthihi ya mupo i nga di fusha ulwo lutamo lwa tshifhinganyana. Fhedzi arali ni na sefo, zwi dzhia sigarete nna u fusha,” a ri, “ngauri ni khou wana fhedzi tshaiñ tsha vhutsi.”

<sup>106</sup> Huno a ri, “Muthetshelo wa munna a no daha”? Ni a vhona, ni nga si vhe na vhutsi nn̄dani ha musi ni tshi wana tshigontiri. Huno musi ni na tshigontiri, ni na pfuko. Ngauralo khezwo, ni a vhona, i—i tou vha vhukwila. Huno ndi elekanya nga ha kha—khamphani ya fola i re kha ulu lushaka, huno—huno i tshila nga ulu lushaka, huno zwenezwo nga vhukwila ho raloho, i fhure vhadzulapo vha Amerika zwa vhukumakuma, u vha fhura. Sefo ya munna a elekanyaho? Ndi vhukwila fhedzi ha u rengisa sigarete dzo engedzeaho.

<sup>107</sup> Zwenezwo nda elekanya nga ha itsho tshithu, “Sefo ya munna a elekanyaho,” nda elekanya, “uyo ndi muhumbulo wavhuđi.” Ngauralo hu na Sefo ya munna a elekanyaho, iyo ndi heyi Bivhili. Se—sefo ya munna a elekanyaho i no do dzhia iyi Sefo, I do bveledza muthetshelo wa munna o lugaho. Ni a vhona?

<sup>108</sup> Zwino, ni nga si kokodze tshivhi vhukati ha masiatari a heyi Bivhili. Hai, I a tshi imisa. I tshi sefela nn̄da. Zwino, ni nga ya tshivhidzoni, huno na sokou dzhia tshithu tshiñwe na tshiñwe, fhedzi ni nga si de vhukati ha heyi Bivhili huno na vha na tshivhi. I nga si zwi ite. I sefela nn̄da tshivhi tshođhe, nahone I nea muthetshelo wa munna mukhethwa. Ngauri arali munna a tshi khou elekanya uri u ḥoda u vha mukhethwa, huno a fana na Mudzimu, nahone a vha murwa kana ḥwananyana wa Mudzimu, zwenezwo u ḥoda lushaka lwone-lwone lwa Sefo. Ngauralo U imisa tshivhi tshođhe nga thungo heyi ya Bivhili, huno A nga disa fhedzi Muya Mukhethwa nga Bivhili, we wa ḥwala Bivhili. Ndi muthetshelo wa munna mukhethwa, u vha na iyi Sefo ya munna a elekanyaho.

<sup>109</sup> Zwino ri wana nga ndila ine ha fhura ḥamusi. Mateo 24:24, Yesu o ri, “Mađuvhani a u fhedzisela, uri, mimuya mivhili i do vha tsini na tsini u fana u swika i tshi fhura Vhanangiwa vhenevho arali zwo vha zwi tshi konadzea.” I tsini na tsini hani! Nga ndila ine, ndi vhufhura-de ha—ha tshi re tshone na tsho khakheaho, vhune ra vha naho ḥamusi!

<sup>110</sup> Na kha washu—kha muvhuso washu, kha politiki yashu, ri—a ri na na munna ane ri nga mu vhea sa mupolitiki, ane zwa vhukumakuma a nga imelela zwine a elekanya uri ndi zwone. Naa vha ngafhi vhoPatrick Henry na vhoGeorge Washington, na vhoAbraham Lincoln vhashu vha ḥamusi? U tou fana na Muphresidennde washu o amba hangei, “Ndila, arali vha tshi ḥoda vhukomunisi, vha nga vha naho, tshiñwe na tshiñwe tshine vhathu vha ḥoda.” Arali uyo a si mu—muthu ane a nga si ambe zwine a tenda zwone! Muthu u do imelela mulayo, uyo a no do imelela mulayo ufhio na ufhio... u tou ḥoda u tshimbila nga ndi—ndi—ndila ya u hanedza zwițuku.

<sup>111</sup> Huno iyo ndi ndila ine vhathu vha vha nayo, tshivhidzoni. Vha ḥodou da vha vha mirađo ya tshivhidzo, huno vha ri, “Oo, zwo luga, izwo—izwo ndi zwone, ndo—ndo no vha

murado wa tshivhidzo zwino.” Ni khou lingedza u fusha ilo dora likhethwa līhulwane le Mudzimu a li dzenisa kha inwi, iyo Thawa ya ndango i no khou lingedza u ni rembulusela kha tshithu tshi re tshone, huno ni lingedza u li fusha nga u vha murado wa tshivhidzo, ni tshi redza ndaela, kana tshiñwe tshithu tsho raloho. Ngeno, hu si tshithu nga nn̄da ha Vhuhone honoho na u dala nga Mudzimu Ene muñe vhutshiloni hañu, zwi no do li fusha heþo.

<sup>112</sup> A nga si fushwe nga ndaela. Ni nga si kokodze ndaela vhukati ha iyo Bivhili na kathihi. Hai. A hu na na Lutendo lwa Vhaapostola, lu no vhidzwa nga u ralo, na kathihi lu nga si fhire Henebefho. Ntsumbedzeni Bivhilini hune Lutendo lwa Vhaapostola lwa ri, “Ndi tenda kha tshivhidzo Tshikhethwa tsha Roma Katolika; ndi tenda kha u tangana ha vhakhethwa”; ngeno Bivhili yo ri, “Hu na mupfumedzanyi muthihi vhukati ha Mudzimu na muthu, huno uyo ndi Muthu Kristo Yesu.” Ilō ni nga si li kokodzele vhukati ha Bivhili na kathihi.

<sup>113</sup> Ni nga si kokodzele idzi dantsi dzoþhe, na dzishothi, na zwithu zwine vhathu vha zwi ita ñamusi, idzi thwisti na dziwatusi, na izwi zwithu zweþhe, vhukati ha Ipfi la Mudzimu na kathihi. Ni nga si kokodzele iyi ndowelo ya musalauno ya vhutshilotshedza vhukati ha iyo Bivhili. I lwa nayo. Ni a vhona? Huno ni lingedza u fusha ilo dora, fhedzi, ni a vhona, li do... Heyi Bivhili i do fusha fhedzi muthetshelo wa munna o lugaho kana wa musadzi. Uyu Muya Mukhethwa, une vha ya vha u sea, huno vha ri, “No xezelwa nga thalukanyo yanu.” Fhedzi Uyo u fusha uho u tulutshelwa, itsho tshinwe tshithu tshire shango li sa ðivhe tshithu nga hatsho. Vho ðishanda, u bva kha ndovhedzo ya vhukuma ya Muya Mukhethwa na Ipfi la Mudzimu, (kha mini?) kha mativha a tshika, mativha a tshika a tshivhidzo, a dzidogima na dzindaela, na-na phambano dla dzidinomineisheni, na zwiñwe-vho.

Hu pfi, “Ni Mukriste?”

<sup>114</sup> “Ndi Mumethodisi. Ndi Mubaphuthisi. Ndi Mupuresbiterieni.” Izwo a zwi ambi tshithu kha Mudzimu, na tshithu na tshithihi. Ni nga si kokodzele izwo zwithu vhukati ha Bivhili ya Mudzimu hafha. Huno ni khou lingedza u fusha ilo dora likhethwa le Mudzimu a ni ñea, u vha na dora Lawe. Naa izwo ndi zwone? [Tshivhidzo tshi ri, “Amene.”—Mudz.]

<sup>115</sup> Zwino, ni a ðivha uri Dafita o amba hafha, “a tshi itela Mudzimu.” Zwino, “U rangani Ipfi o vha e hone, huno Ipfi o vha e na Mudzimu, huno Ipfi o vha e Mudzimu. Huno Ipfi a itwa ñama huno a dzula vhukati hashu.” Zwenezwo hu nga si vhe na pfusho u swika Ipfi ili, line la vha Mudzimu, li tshi tshila kha inwi, zwenezwo ni vhona Mudzimu Ene muñe a tshi khunyeledza pfulufhedziso dze A ita Bivhilini.

<sup>116</sup> Zwino ri na vhaṭalutshedzi vho fhambanaho vha Bivhili. Tshiňwe tshivhidzo tshi I ḥalutshedza nga *heyi* ndila, tshiňwe tshi I ḥalutshedza nga *heyo* ndila, huno tshiňwe nga *heyi* ndila. Zwiňwe a zwi dzhii nga nnđa ha zwitukutuku Zwayo; zwiňwe zwi dzhia *hafha* na *hangei*, tshipida Tshalo. Fhedzi Mudzimu ndi Mutalutshedzi Wawe Ene mune. Musi A tshi ita pfulufhedziso nahone a i khunyeledza, iyo ndi ḥhalutshedzo yayo.

<sup>117</sup> Arali ndo ni fulufhedzisa uri ndi do vha fhano madekwana a ḥamusi, huno nne ndi hone fhano, iyo ndi khunyeledzo ya pfulufhedziso yanga. Arali ndi tshi ri ndi do ṭangana na inwi nga matsheloni, huno ndi hone heneffo, iyo ndi pfulufhedziso yanga. A hu na ḥodea ya u ḥilandula huňwe-vho, ndi tea u vha heneffo.

<sup>118</sup> Huno musi Mudzimu a tshi ita pfulufhedziso, huno zwenezwo a ḥa huno a khunyeledza iyo pfulufhedziso, iyo ndi ḥhalutshedzo ya pfulufhedziso. Huno ndi eletshedza muňwe na muňwe uri a dzhie Mudzimu u ya nga Ipfi Lawe, huno a vhone arali Ipfi ḥinwe na ḥinwe li re Bivhilini iyo li si Ngoho. Izwo ndi zwone. Izwo ndi zwine ilo ḥora la vha zwone ngomu heneffo.

<sup>119</sup> Inwi ni ri, “Arali ndo vha ndo tshila mađuvhani a Yesu, ndo vha ndi tshi do vha ndo ita *tshikeneñene*.”

<sup>120</sup> Mulandu, ni khou tshila mađuvhani Awe. Naa ri khou itani nga hazwo? Naa ri khou itani? Inwi ni ri, “Ndi zwone?” Zwe na ita, khamusi zwe Vhafarisei vha ita. Vho vha vhe vha tshivhidzo, huno vha landula Yesu Kristo.

<sup>121</sup> Tshifhinga tshothe ri ri ḥamusi, vhatu vha lingeda u ri, “Ri a vhambedza. Ri tea u vhambedza siatari la Bivhili nga siatari la Bivhili, Luňwalo nga Luňwalo.” Izwo a si Ngoho. Hai, a si Ngoho. “Ili ipfi la Tshigerika li amba *hetshi*, huno *hetshi* tshi amba *hetsho*.” Vhagerika vhone vhańe, murahu ngei kha Khorwana ya Nicaea, na avho vhańwali murahu ngomu heneffo, vho vha vhe na zwivhumbleo zwo fhambanaho. Muňwe o tenda nga *heyi* ndila, *itshi* tshikola tsha Tshigerika tsho amba *hetshi*, huno tshiňwe tsho amba uri *hetshi* tsho zwi amba nga *heyi* ndila. Huno zwa ḥata khani nga Haļo. A ri ḥodi ḥalutshedzo ya zwikola zwa Tshigerika kana maipfi a Tshigerika.

<sup>122</sup> “U Mu ḥivha ndi Vhutshilo,” Muthu, Kristo Ene mune! Hu si u vhambedza. Ndi nzumbululo ye Mudzimu a fhaṭa Tshivhidzo Tshawe khayo. Huno arali ri sa fhaṭi kha tshenetsho Tshivhidzo tshithihi... Bivhili yo ri, “Abele, nga lutendo!” Huno lutendo ndi nzumbululo Khethwa. Ni a vhona, lutendo ndi nzumbululo Khethwa. Zwo luga. Hetshi Tshithu tshoṭhe tsho fhaṭwa-ha kha nzumbululo, huno nnđani ha musi *heyi* no dzumbululewa yone! Yesu o ri, “Ndi a U livhuwa, Khotsi, ngauri hezwi zwithu Wo zwi dzumbela vhaṭali vha lino shango, huno wa zwi dzumbululela vhushie vhu no do guđa.” Ni a vhona, zwino, tshithu tshoṭhe tsho fhaṭwa heneffo, ni tea u ḥivha Muthu!

<sup>123</sup> Huno izwo ni nga si zwi fushe nga u vha murado wa tshivhidzo. Ni tea u wana Muthu, Mudzimu Ene muñe, ane a vha Ipfi na—na thalutshedzo ya Ene muñe namusi, pfulufhedziso dze A ita namusi. Vhathu vhe A vha a tshi khou do vha navho nga lino duvha, “Tshivhidzo tshi si na badzi kana tshilavhi,” a hu ambwi dinomineisheni; hu ambwa vhathu, vhathu nga muthihi-muthihi vha si na badzi kana tshilavhi. “Vhavhili vha do vha vhe vhulaloni, Ndi do dzhia muñwe huno nda sia muñwe; vhavhili tsimuni, Ndi do dzhia muñwe huno nda sia muñwe.” Fhedzi musi Mudzimu, ilo dora likhethwa la u todou fana Nae, huno zwenezwo ni a vhona uri Ipfi Lawe li kha inwi, li tshi Dikhwathisedza, uri ni mulanda wa Mudzimu. Tshiñwe na tshiñwe tshine Mudzimu a amba, itonu tshi tevhedza, zwenezwo ni khou da nga ngona i re yone-ha ya u fusha ilo dora likhethwa line la vha kha inwi.

<sup>124</sup> Oo, a hu na zwiñwe, vhathu vha do ni sea, huno vha ri, “No xevelwa nga thalukanyo yañu. Ni a penga.” Fhedzi elelwani hune vha nwa hone, ni a vhona. Sedzani hune vha vha hone. Naa ni nga humbulela tshisima tshihulu tsha mupo tshi tshi sisima madi avhudzi, huno muñwe muthu e phasi kha linwe la ayo madindi heneffo phasi, li na mabuluvhulu o faho, na dzindaela, tshiñwe na tshiñwe tshi ngomu halo, a tshi khou nwa heneffo phasi, a tshi sedza nthi nahone a tshi tambo nga inwi? Oo! Mulandu, ha divhi, ha divhi uri ndi lufhio—ndi lufhio Ludambwana lu dzimulaho dora lune na khou tshila khalwo. Izwo ndi zwone kokotolo.

<sup>125</sup> Ri na Mudzimu a tshilaho. Hu si ni we a fa miñwaha ya gidiñatahe yo fhiraho huno a dzula tshaloni, fhedzi Uyo o vuwaho hafhu. Vhaheberu 13:8, i ri, “Ha shanduki mulovha, namusi, na lini na lini.” Muya Mukhethwa wonoyo muthihi we wa tsa nga Duvha la Pentekoste ndi Muya Mukhethwa wonoyo muthihi une wa vha fhano zwino. Ndi ene Mukovhe u fushaho, ngauri Ndi ene Ipfi. Izwo ndi zwone. Muya Mukhethwa wo ñwala Ipfi, U talutshedza Ipfi. Bivhili yo amba, kha Petro Ya Vhuvhili, zwauri Muya Mukhethwa wo ñwala Bivhili, “Vhanna vha kale, vho hwalwa nga Muya Mukhethwa, vho ñwala Bivhili.”

<sup>126</sup> Zwino, ni nga si zwi ite, ni nga si fushe ilo dora likhethwa nga tshithu tshi re phasinyana ha Mudzimu Ene muñe a tshilaho kha inwi, nga Muthu wa Muya Mukhethwa. Pfunzo, mvelele, u vha mirado ya zwivhidzo, u dekesha dzindaela, u ya u vha kha vhutama; hezwi zwithu zwothe ndi zwavhudzi nga maanda, fhedzi zwa vhukumakuma zwi nga si imise iyo phumulo khethwa, ilo—ilo dora likhethwa, ndi ralo, zwi nga si fhumudze ilo dora likhethwa.

<sup>127</sup> Ndo vha ndo thetselesa Billy Graham, muevangeli muhulwane, vhuriwe vhusiku. Ndi a ni vhudza, ndi a mu rabelela zwino u fhira zwe nda vhuya nda ita. Ndo mu vhona a tshi vha vhudza zwa vhukuma, ndila ye vha ita. O ri, “Itsho

tshigwada tsha vhafunzi vha no tsa nga ndila, kholoro idzo dzo sedziswa murahu!" Vha tsela fhasi henengei hune vha sa vhe na mushumo wa u ya hone, vha tshi longa ninga dzavho kha tshiñwe tshithu. Fhedzi vho vha vha tshi khou tsa nga ndila, [Mukomana Branham u vhanda zwanda zwawe—Mudz.] vha tshi vhanda zwanda zwavho nahone vha tshi phaphatha milenzhe yavho. Zwo ralo, vho vhonala vha tshi nga vhavhumbuluwi vha songo khetheaho. Zwino, ni a vhona, fhedzi vha na tshiñwe tshithu tshine vha—vha tenda khatsho. Vha na tshiñwe tshithu, tshi nyanyula muya. Vha na tshiñwe tshithu tshe tsha vha tshi tshi vha nyanyula. Muñwe musadzi o tuwa huno a dzenisa thoho yawe kha tshiñwe tshithu henengei fhasi, huno vha elekanya uri o vha e mufelalutendo, huno o vha a si na mushumo wa u vha ngomu. Zwino ri wana uri vhanna avha [Mukomana Branham u vhanda zwanda zwawe] vho vha vhe na tshiñwe tshithu tshe vha vha vha tshi nga tshi vhandela zwanda. Vho vha vho takala. Vho vha vha tshi khou ita tshiñwe tshithu.

<sup>128</sup> Zwo luga, arali ni tshi nga ita hezwo u mu—mulayo une na elekanya uri wo luga fhano; huno zwenezwo na ima tshivhidzoni huno muñwe muthu a vhanda zwanda zwawe kana a phaphatha mulenzhe wawe, madikoni o vha a tshi do mu bvisa nga muñango. Ni a vhona, vho rembulusela vhathu vhavho kha tivha la tshika la ndaela na dinomineisheni, vhudzuloni ha u vha kanzwa nga Ipfi la Mudzimu likhethwa lo fhañtshedzwaho, li nekedzwaho nga Maanda a mvuwo ya Yesu Kristo.

<sup>129</sup> Ni a vhona, vha lingedza u, vha dzimula dora lavho nga u ri, "Ndi Dokotela *Mukenenene*," kana vha bva kha iñwe seminari kana tshiñwe tshikolo. Fhedzi izwo a zwi ambi na tshithu na tshithihi, na tshithihi. Fhedzi, ni a vhona, vhone, vha lingedza u difusha, vha ri, "Zwino Mudzimu u do nndimuwa ngauri ndi mufunzi Wawe. Mudzimu u do nndimuwa ngauri ndi Khotsi mukhethwa *Mukenenene*, kana Mubishopo *Mukenenene*," kana—kana tshiñwe tshithu tsho raloho. Vha khou lingedza u fusha dora lavho henefho, ngeno ni si nga zwi iti. "Ndi na Ph.D., LL.D. Ndi na Bachelor of Art. Ndi na hetshi." Izwo ndi zwone. Fhedzi, kha nñe, izwo zwi tou amba uri ni kule zwingafho na Mudzimu. Izwo ndi zwone. Ni kule zwingafho na Mudzimu, tshifhinga tshothe!

<sup>130</sup> Ni ñivha Mudzimu nga tshenzhemo fhedzi. Ni nga si kone u gudisela Hetshi ngomu hañu. Tshi bebelwa ngomu hañu! Ndi tshiñwe tshithu tshine Mudzimu a ni nea. Pfunzo a i na mushumo Natsho. Muñwe wa vhanna vhahulwane Bivhilini o kundelwa u saina na dzina ñawe, Petro Mukhethwa. Izwo ndi zwone kokotolo, ene na Yohane, Bivhili yo ri, "Vho vha vha sa ñivhi nahone vha songo funzwa." Fhedzi zwo takadza Yesu u mu nea khii dza Muvhuso, nge a vha e na dora la Mudzimu. Amene. U vha na dora la Mudzimu, vhuñama. Ee, muñe wanga. Yawee, nñenñe!

<sup>131</sup> Ndi humbula Yesaya, uła muhannga, oo, muhannga wavhuđi, o vha e fhasi ngei thembeleni, lińwe ḫuvha.

<sup>132</sup> Khosi khulu, huno a livhanya tshifhađuwo tshawe nae huno a elekanya uri o vha e muńwe wa vhanna vhahulwane. Lwe, a vha e munna muhulwane. O aluswa, nga vhabebi vhavhuđi, mme wavhudi na khotsi. Fhedzi musi a tshi bva, politiki dzawe dzo vha dzo kuna, nahone o lugisa mafhungo awe na Mudzimu. Huno Yesaya a mu sedza huno a elekanya uri o vha e munna muhulwane, a mu ita tsumbo. Fhedzi inwi ni songo (na kathihi) ita muthu, nga nda ha Muthu Kristo Yesu, uri a vhe Tsumbo yanu. Vhathu vhothe vha do kundelwa. Nga murahu ha tshifhinganyana, a swika fhethu; o vha—o vha e khosi, fhedzi o lingedza u dzhia fhethu ha tshifhe huno a dzhena thembeleni, huno a rwiwa nga mapele.

<sup>133</sup> Zwenezwo Yesaya a vhilaela tshothe, ngauralo u tsela fhasi thembeleni huno a thoma u—u rabela, a elekanya uri u do tsela fhasi huno a rabela lwa tshifhinganyana. Huno zwino, sedzani, uyo munna o vha e muporofita; fhedzi ngei fhasi thembeleni ho vha hu na muhannga, o vha a tshi khou lilela Mudzimu, lińwe ḫuvha, huno bono la bveleta phanda hawe. Huno musi o ita, a vhona Vharuňwa, Vhakerube, zwifhađuwo Zwavho zwo fukedzwa nga phapha Dzavho—Dzavho, na milenzhe Yavho yo fukedzwa, huno vha tshi fhufha nga phapha mbili. Huno Vho vha vha tshi ya phanda na murahu, nthu na fhasi thembeleni, vha tshi vhidzelela, “Mukhethwa, mukhethwa, mukhethwa ndi Murena Mudzimu Ramaandaothe.”

<sup>134</sup> Huno Yesaya, iło dora lihulwane le a vha e nało, khamusi o—o vha o funzwa. Khamusi o—o vha e na pfunzo yavhuđi. O vha e na mu—muhumbulo u mangadzaho wa zwine Mudzimu a tea u vha zwone. O—o vha o no pfa vhotshifhe. O vha e thembeleni. O vha o aluselwa u vha mu—mutendi, fhedzi, ni a vhona, na kathihi o vha a sa athu vhonana Nae tshifhađuwo nga tshifhađuwo. Ni a vhona? O—o vha e na lutamo lwa u ita zwi re zwone. O ḫoda u vha o lugaho, fhedzi o vha a tshi tou vha na sia la pfunzo. O vha e na sia Lawe la theolodzhi.

<sup>135</sup> Fhedzi musi a tshi swika ngei thembeleni nga iło ḫuvha, huno a vhona avha Vhakerube vha tshi isa idzi phapha phanda na murahu, huno a limuha uri avha Vharuňwa vho vha vha tshi shuma phanda ha tshifhađuwo tsha Mudzimu. Huno Avho Vharuňwa a vho ngo vhuya vha ḫivha uri tshivhi tsho vha tshi mini, na, u ima Vhuhoneni ha Mudzimu, Vho do tea u fukedza zwifhađuwo Zwavho zwikhethwa, u ima Vhuhoneni ha Mudzimu. Zwenezwo uyo muporofita a huwelela, “Khombo kha nne, ngauri ndi muthu wa milomo ya dzitshika. Theolodzhi yanga yothe, theolodzhi na zwithu zwe nda zwi guda, muhumbulo wothe u mangadzaho wanga we nda vha ndi nawo nga ha Mudzimu, ndo livhana nawo tshifhađuwo nga

tshifhaṭuwo zwino.” A ri, “Ndi muthu wa milomo ya dzitshika, huno ndi dzula na vhathu vha milomo ya dzitshika.” Pfunzo yavho yoṭhe ya milayo, na zwithu zwe vha ita, na kathihi a zwi athu swika afho fhethu hune a dzhena Vhuhoneni ha Mudzimu, huno a vhona Mudzimu nga maṭo awe; na vhūṭala Hawe, musi O vha o dzula N̄tha, kha Maṭadūlu. Huno ngoyo he a vha e hone, tshifhaṭuwo nga tshifhaṭuwo na vhukuma. Huno a huwelela, “Ndi muthu wa milomo ya dzitshika, huno ndi dzula vhukati ha vhathu vha dzitshika.”

<sup>136</sup> Zwenezwo ndi hone Mukerube a tshi dzhia lumano, na simbe la Mulilo kha alṭari, huno a kwama iyo milomo ya dzitshika. Huno lwa mu shandukisa a si tsha vha goswi, kana a si tsha vha munna o funzeaho, mudededzi, a vha muporofita we Ipfi la Mudzimu la kona u amba nga khae. Ngoho, musi a tshee Vhuhoneni ha Mudzimu, Ho vha hu tshiñwe tshithu tsho fhambanaho. Ilo ḍora le a vha e naļo, lo vha lo no swika afho fhethu nga itsho tshifhinga, u swika a tshi ḫadžwa Ngaho.

<sup>137</sup> Huno i ri ni ndi ni vhudze, khonani, a thi londi uri ni vha murado wa zwivhidzo zwingana, uri ni ḫwala madzina mangana, ni dzhia ndila ifhio, na uri kana no shashiwa, no lovhedzwa, kana tshiñwe na tshinwe tshine ni nga vha tshone; u swika ni tshi ṭangana na uyo Muthu, Yesu Kristo! Itsho, itsho ndi tshone tshithu tshi tshoṭhe tshi no ḫo fusha vhukuma.

<sup>138</sup> Nyanyuwo i nga si zwi kone; ni nga ḫi fhufhela n̄tha na fhasi huno na ṭavha mukosi u swika hune na ḫoda, kana na gidima n̄tha na fhasi kha fuloro, nahone ni nga amba nga dzindimi nga maanda u swika hune na ḫoda. Huno izwo zwithu ndi zwikhethwa nahone ndi zwavhudī. A thi ambi—a thi ambi tshithu tshi no lwa na hezwo. Fhedži u swika ni tshi ṭangana na uyo Muthu, uyo Mukovhe u fushaho, itsho Tshiñwe tshithu tshi no dzhia musipha muñwe na muñwe muvhilini wañu; hu si nga nyanyuwo, fhedzi nga pfusho!

<sup>139</sup> Ndo vha ndi tshi anzela u vhona tshiga tshituču, tsha ri, “Arali ni na ḫora, i ri ni Parfay.” Yo vha i tshi anzela u vha tshinwiwa tshituču, musi ndi tshi kha ḫi vha mutukana, tshi no vhidzwa Parfay. Ndi elelwa ndi tshi tsa nga ndila, oo, ndi tshi bva u rea khovhe, ndo vha ndi ngei kha kutivha, mađi a kale a sa eleli. Huno ndo ḫodou vhulawa nga ndala, huno nda vhona tshiga tshi tshi ri, “Arali ni na ḫora, itonu ri Parfay.” Nda thoma u ri, “Parfay, Parfay.” ḫora ḫanga la engedzea tshifhinga tshoṭhe. Huno nda—nda... Ni a vhona, nda—nda—nda swika he nda vhuya nda kundelwa na u pfa mare, nga murahu ha tshifhinganyana, nda vha ndi na ḫora nga maanda—nga maanda.

<sup>140</sup> Zwo ralo, ni a vhona, izwo zwi nga si zwi ite. A hu na tshithu tshine tshi nga ḫi fusha. A thi londi, ni nga nwa dzikhouku, ni nga nwa tshiñwe na tshiñwe tshine na ḫoda,

na ayo madi o difhiswaho a re na khaboni, na zwiñwe-vho, a hu na tshi no ño fusha ñdora vhunga ludambwana lwa madi lwavhuði lu rotholelaho, lu rotholaho. Ulwo lu ño dzimula iþo dora. Hezwi zwiñwe zwithu zweþhe ndi zwiimela.

<sup>141</sup> Huno ndi ngani ri tshi ño tðoda u dzhia tshiiimela, ngeno hu na ndovhedzo ya vhukumakuma ya Muya Mukhethwa u no fusha musipha muñwe na muñwe na u tulutshelwa hu re muyani wa muthu? Zwenezwo imani henefho phanda ha tshifhatuwo tsha lufu, vhunga Muapostola Paulo muhulwane o amba, “Oo lufu, naa luvholela lwau lu ngafhi? Nahone, tshalo, naa gundo lau li ngafhi? Fhedzi Mudzimu nga a livhuiwe, A no ri ñea gundo nga Murena washu Yesu Kristo!” Iyo ndi tshenzhemo, mukomana, iyo i fusha iyo phumulo khethwa ye... kana iþo ñdora likhethwa li re kha inwi. I a li fusha. A ni tei u ita tshiñwe tshithu-vho nga halo. Iina, I tanzwa milomo.

<sup>142</sup> Huno hafhu, hu na, vhathe zwavho vha no tshila nga nyanyuwo, kha... Vhaniwe vhathe vha ri, “Zwo luga, ri na vhunzhi ha havho kha ndangulo yashu ya Pentekoste.” Huno vha ño dzhena, zwine zwa vha zwavhuði, vha ño vhanda zwanda zwavho [Mukomana Branham u vhanda zwanda zwawe—Mudz.] nahone vha lidza muzika. Muzika u a ima, “sh, whew,” bakete la madi la shela tshiñwe na tshiñwe, ni a vhona. Zwino ri—ri a ita hezwo, ro—ro dzhena kha ñdowelo ya u ita hezwo. Ri na, ri—ri... Zwo no tou vha muñwe wa mikhwa yashu.

<sup>143</sup> I ri ni ndi ni vhudze tshiñwe tshithu. Musi ni tshi khou rerela Mudzimu, nga Muya na nga Ngoho, musi hu tshi vha mukhwa wa uri ni zwi ite, ngauri ni elekanya uri ni *tea* u zwi ita; ngauri ni elekanya, uri arali ni sa ñavhi mukosi, kana u fhufhela ñtha na fhasi, kana u tshina na muzika, muhura wañu u ño elekanya uri no gunea; ni nwa kha ludambwana lu sa eleli. Ndi zwone!

<sup>144</sup> U swika U tshi dadza musipha muñwe na muñwe, u swika Muya Mukhethwa Wone uñe u tshi bwobwoþela ngomu hanu; a thi londi uri kana muzika u khou lila, kana vha khou lidza *Tsini, Ha Iwe, Mudzimu Wanga*, kana lune lu nga vha lwone, Muya Mukhethwa u kha di lidza tsimbi dza vhugala mbiluni yanu. Uho hu a fusha. Uyo ndi Mukovhe u fushaho wa Mudzimu. Tshiñwe tshithu tshi re fhasi ha Hoyo, zwo fhela nga ha inwi.

<sup>145</sup> Ni nga di amba nga ndimi vhunga vhathe na Vharuñwa, ni nga di kovha thundu dzanu uri ni kanzwe vhashai, ni nga di porofita, huno ni nga di vha na ñdivho, na pfectesa zwiphiri zweþhe na hezwi zwithu zweþhe, huno ni kha di vha a si tshithu (Thakorinta Ya U Thoma 13) u swika itsho Tshiñwe tshithu tshi fushaho tshi tshone fhedzi tshine tsha nga da dzimula iþo dora.

<sup>146</sup> “Muya wanga u na ñdora la Mudzimu a tshilaho, vhunga tholo i tshi tulutshelwa mulambwana wa madi. Nndani ha musi ndi tshi nga Mu wana, ndi ño lovha.” Musi ni tshi swika hune

na vha na ndala ya Mudzimu nga u ralo, tshiñwe tshithu tshi khou do itea. Muya Mukhethwa u do ni ranga phanda kha izwo zwisima zwihiwlwane zwa Mudzimu. Ee, mune wanga.

<sup>147</sup> Zwino, hu na tshithu tshayhudi, u rerela Muyani. Izwo ndi ngoho. Fhedzi tshiñwe tshifhinga ni na Muya hu si na Ngoho. Yohane Mukhethwa 4, o ri, "Ri rerela Mudzimu, Muya na Ngoho." Huno Yesu ndi Ngoho. Izwo ndi zwone kokotolo. Huno Ndi Ipfi.

<sup>148</sup> Milambwana ye Mudzimu a ni rumela u ni fusha, kha lwa mupo, Sañhane o tshikafhadza muñwe na muñwe wayo. O shela tshikambi tshi re na mulimo kha muñwe na muñwe we a kona u dzhena ngomu hawo. Izwo ndi zwone. O dzhia ulwo ludambwana luhulwane, lwa tshivhidzo.

<sup>149</sup> Iyo, iyo yo vha i ndila ya Mudzimu. Yesu o ri, "Kha heli Tombo Ndi do fhaña Tshivhidzo Tshanga, huno khoro dza vhudzulavhafu a dzi nga Tshi koni."

<sup>150</sup> Zwino hu na khani nnzhi nga ha hezwo. Vhathu vha Roma, Katolika i ri, "O Tshi fhaña kha Petro." Ni a vhona, huno arali izwo zwi tshi nga vha nga u ralo, Petro o gunea, maduvhani a si gathi. Ngauralo, Tsho vha tshi songo ralo. Ngoho Tsho vha tshi songo fhaña kha Petro, *Petra*, kutongwana. Huno zwenezwo Muporotestanti u a amba, zwauri, "O Tshi fhaña kha Ene mune, Yesu Kristo." Hu si u fhambana, fhedzi ndi fhambana navho. Na kathihi Ho ngo Tshi fhaña kha tshiñwe tshazwo.

<sup>151</sup> O Tshi fhaña kha nzumbululo ya uri Ene O vha e nnyi. O ri, "Wo fhatutshedza iwe, Simoni, murwa wa Yona, nama na malofha a two ngo u dzumbululela izwo na kathihi, fhedzi Khotsi Anga a re Tañulu o u dzumbululela hezwi." A si nga ndivho! A no ngo I guda nga dzibugu. A no ngo I guda nga u vha murado wa tshivhidzo. A no ngo I guda mikosini. No ita... . Fhedzi Muya Mukhethwa Wone une wo disa Muthu wa Yesu Kristo kha inwi, zwenezwo, "Kha heli Tombo Ndi do fhaña Tshivhidzo Tshanga, huno khoro dza vhudzulavhafu a dzi nga Tshi koni." Ilo dora likhethwa lo fushwa kha Muthu wa Yesu Kristo. Khezwo. Itsho ndi tshone tshithu tshine ra ḥoda u tshi sedza, u fusha ilo dora Ngatsho. Zwo luga, ri wana uri ro fanela.

<sup>152</sup> Nđivho? Yawee, nnenñe! Nđivho ndi tshithu tshihulwane, ri a ñala, huno ñamusi ro ñala yone. Fhedzi ni a vhona, nđivho... . sa izwi ndo vha ndi tshi khou amba ñinwe ñuvha, ndi tshi khou amba nga ha iyo thoho ya nđivho. Ho vha hu na munna o imaho nnnda, a tshi khou amba na khonani yanga yo imaho henehfo, a ri, "Arali muthu a sa tendi kha pfunzo, ndi ngani a tshi vhala Bivhili?" Vha... .

<sup>153</sup> Nda elekanya, "Ndi zwone, arali vha songo pfesesa zwe Murena Yesu a amba, vha do pfesesa hani popo i no nga nñe, zwine nda amba?" A vho ngo vhuya vha Mu pfesesa, naho O vha e khagala.

<sup>154</sup> O amba heneffo línwe ḫuvha, “Arali ni sa li muvhili, Malofha, na nwa Malofha na la muvhili wa Murwa-muthu, a ni na Vhutshilo kha inwi.” Ho ngo Li ṭalutshedza. A ditshimbilela. Izwo ndi zwone. Ni a vhona?

<sup>155</sup> “Zwo ralo,” vha ri, “hoyu Munna ndi lidyavhathu. Ri a Mu ṭoda...u la muvhili Wawe, u nwa Malofha Awe. Ndi munwamalofha. Ni a vhona, U ṭoda ri tshi vha munwamalofha.” Ni a vhona? Avho vhaṭali!

<sup>156</sup> Fhedzi O ri, “Nngu Dzanga dzi pfa Ipfi Łanga.” Ni a vhona, Li do da kha Vhanangiwa, Mudzimu o nanga nga u dzula o ḫivha. “Huno avho vhe Khotsi...A hu na muthu ane a nga da kha Nñe arali Khotsi a sa mu kokodzi. Huno vhoṭhe vhe Khotsi a Nñeá, vha ḫo da, vha ḫo Li pfectesa.”

<sup>157</sup> Avho vhafunziwa vho kundelwa u Li pfectesa, fhedzi vho Li tenda. Ni a vhona? Izwo ndi zwone. Arali ni tshi Li tenda! A thi pfectesi zwithu zwinzhi. Ndi a Li tenda, naho zwo ralo, ni a vhona, ngauri Mudzimu o amba zwauri Ło tou ralo.

<sup>158</sup> Ndivho. Ni a ḫivha, mafhungo-madifha a Sathane ndi ndivho. Naa izwo no zwi ḫivha? O zwi rera ngadeni ya Edeni, kha Efa, huno a fhurwa nga mafhungo-madifha awe a ndivho. Zwino, huno o tshikafhadza lushaka lwoṭhe lwa vhathe, ngao. Izwo ndi zwone kokotolo. Vho dzhia mbekanyamushumo dza pfunzo, vha dzi dženisa tshivhidzoni. Dzo luga tshoṭhe *ngei nn̄da*, fhedzi hu si ni kha Ipfi la Mudzimu. Hai, muṇe wanga. A ni ḫivhi Mudzimu nga—nga—nga u ḫivha uri hani, u guda mathematiki na u bula maipfi mahulu.

<sup>159</sup> Paulo, o vha e munna o thanyaho. Fhedzi musi a tshi da kha Kristo, huno a ḫanganedza Muya Mukhethwa, a ya kha Vhakorinta, o ri, “Na kathihi a thi di kha inwi nga maipfi a u ungeledza a vhuṭali ha muthu,” naho o vha a tshi nga vha o zwi ita. A ri, “Ndi ḫa kha inwi nga maanda na u vhonadzwa ha Muya Mukhethwa, uri lutendo lwanu lu vhe kha Mudzimu, hu si ni kha vhuṭali ha muṇwe muthu.”

<sup>160</sup> Zwino nga tshinwe tshifhinga ri ita mbekanyamushumo dza tshivhidzo, hafhu vha vhidza mufunzi wavho—wavho. Tshivhidzo tshi ya u khetha mufunzi, vha ri, “Zwo luga, uyu mufunzi, zwino, u na digirii mbili kholidzhini. O guda saikholodzhi lwa miñwaha miña. O dzhia *hetshi*, *hetsho*, na *tshinwe*.” Huno vha ḫo khetha munna wa ulwo lushaka (mulandu?) vhudzuloni ha mufunzi a no tenda kha Ipfi la Mudzimu sa ḫo hevhedzwaho nahone li Mudzimu, huno u ḫo rera Ipfi hu sa londwi uri vhathe vha Li pfisa hani.

<sup>161</sup> Mudzimu o vhudza Hesekiele, ni a ḫivha, a ri, “Li rere ilo kana vha a Li tenda kana hai. Iwe Li rere, naho zwo ralo.” Ni a vhona? Ndi zwone. Kana vha a Li ḫanganedza, kana hai, ilo a si ḫone. A vho ngo ḫanganedza Yesu. O bvela phanda, a tshi Li rera nga ndila yeneyo nthihi. Ni a vhona?

<sup>162</sup> Vhudzuloni ha mufunzi wa vhukuma a no do rera Ipfi zwa vhukuma huno a tenda kha Mudzimu, vha—vha—vha lingedza u dzhenisa mu—mudivhi, munna a re na pfunzo ya khwinesa; munna ane a nga ima kha phuluphithi huno a fhedza miniti i no tqodou swika fumiqhanu, u itela uri vha kone u ya hayani nga u tqavhanya, huno vha ya (vhañwe) u ita tshiniwe tshithu-vho, huno Ricky a kone u dzhia tsimbi yawe i fhisaho huno a i bvumisa a bva, huno vha nga ya zwimimani zwa u thwista na tshiniwe na tshiniwe. Huno i, oo, i—i tou vha i—a si tshiniwe tshithu-vho nga nn̄da ha tshikafhadzo ya pfunzo ya tqhanganyo. Izwo ndi zwone. Zwi tou vha zwine zwa vha zwone kokotolo. Izwo ndi zwone. Fhedzi ndi mini? I fusha muthetshelo wawho, ni a vhona, i fusha muthetshelo wa murađo wa tshivhidzo tsha shango.

A i fushi muthetshelo wa mukhethwa. U do dzhia Ipfi tshifhinga tshothe!

<sup>163</sup> Fhedzi vha ri, “Oo, ndi zwone, zwino avho vhathu vho tou xeletwa zwiquku nga tqhalukanyo yavho.” Ni a vhona, vha tou vha vha sa, a vha zwi pfesesesi. Vhone, vha khou lingedza u tshila kha quvha lo fhiraho.

<sup>164</sup> Naa a zwi kanukisi! Ndi da ngeno nn̄da Vhukovhela, huno ndi wana uri vhothe vha khou lingedza u tshila kha quvha lo fhiraho, tshifhinga tshothe vha tqoda manwe maduvha a tshikale-kale a makhauboyi. Nahone vha tsela fhasi Kentucky, maduvha a tshikale-kale a vhathu vha dzithavhani, vha tqoda u a edzisela, vha na mbekanyamushumo dzao. Fhedzi musi zwi tshi da kha Vhurereli ha tshikale-kale, a vha tqodi tshithu Ngaho.

<sup>165</sup> Maduvha a tshikale-kale? Ndi tsela hafha fhasi nga tshifhinga tsha vhumvumvusi ha makhauboyi, nda vha vhona vhe na musadzi muhulu heneffo fhasi, izwo zwithu zwidala fhasi ha mađo awe, na mavhudzi mapfufhi o fhungudzelwaho, sigarete i mulomoni wawe. Mulandu, arali vho vha vho vhona hezwo murahu maduvhani a kale, vho vha vha tshi do vha vho elekanya uri o vha e na nwatela hunwe fhethu. Vhone, vho vha—vho vha—vho vha vha tshi do vha vho mu dzhenisa ngomu. Mini-ha arali mme anu vho vha vha tshi do vha vho bva, vho ambara sa zwine inwi na nwananyana wanu na ambara ñamusi, naa ho vha hu tshi do vha ho iteani? Vho vha vha tshi do vha panga kha tshiimiswa tsha vha no penga. Ngoho, o bva a songo ambara tshikete. Ndi zwenezwo, zwino elelwani, ndi zwenezwo zwithihi ñamusi.

<sup>166</sup> Muthu u khou sina ñamani yawe. Arali vha tshi pfuka murole wa vhukati, vhukati ha miñwaha ya fumbili na fumbiliqhanu nga vhukale, sele dza maluvhi avho dzi a sina-vho. A vha na... Vhathu vho no swika hune vha sa vhe na pfeseso yo edanaho. A vha qivhi zwine u tqhonifhea ha amba

zwone. A vha ḋivhi phambano vhukati ha tshi re tshone na tsho khakheaho. Nahone, oo, naho, mbekanyamushumo yavho ya pfunzo, vha... .

<sup>167</sup> Naa no zwi ḋivha, pfunzo, ndi nga ni sumbedza yone, uri ndi ya Diabolo? Hu si ni u vhala na u ḥwala; fhedzi, ndi khou amba, u dzhenisa pfunzo yavho tshivhidzoni tshaṇu.

<sup>168</sup> Naa vhukomunisi ho ḋitika ngani? Saints, pfunzo, iyo ndi mudzimu wavho. Saṭhane, ni a vhona, itsho ndi tshe a tshi ṭahisa kha Efa. Itsho ndi tshone tshine vha kha ḋi vha vho tshi farelela.

<sup>169</sup> Zwino yo dzhena nga hangeno zwivhidzoni zwashu, yo dzhena nga hangei kha Vhabaphuthisi, Vhamet̄hodisi, na Mupuresbiterieni, Vhapentekostała, na vhoṭhe. Iriwe pfunzo, ya vhuṭali, muniwe *mukenerenē* muhulwane na tshiñwe tshithu tsho raloho, iyo i tou mu posela kule ha Mudzimu. Zwo khakhea. Ee, muṇe wanga. Zwino, ri wana, uri (vhone) i fusha lutamo lwavho. Musi—musi tshi—tshivhidzo tshi tshi khetha tshiñwe tshithu tsho raloho, zwi sumba tshine tsha vha ṭhalukanyoni ya itsho tshivhidzo, zwine lutamo lwavho lwa vha zwone, tshine u vha havho na ḫoda. Vha ḫoda uri, “Mufunzi washu u na ṭhalukanyo yo ṭandavhuwaho. Ha ri soli ri tshi ṭamba ro vanganana, nahone u ya na riṇe.”

<sup>170</sup> Musidzanyana o vhudza Sarah wanga, liñwe ḫuvha. Mufunzi wawe o vha e kha ḫa Afurika; huno musi a tshi vhuya, a bvula zwiambaro zwawe, uvho vhusiku, o ambara phere ya marukhu maṭuku a pataho, huno a mu tshinela watusi, u mu mvumvusa nge a vha e kha ḫa Afurika. Watusi ndi lushaka henengei, ni a ḋivha. Mutukana, ndi do takalela u vhona muñwe wa vhasidzana vhanga, tshivhidzoni tshanga, a tshi lingedza u ita tshiñwe tshithu tsho raloho, watusi?

<sup>171</sup> Ni a vhona, zwi a sumbedza! Huno mufunzi u do dzula huno a sedza muñwe wa tshivhidzo, musidzanyana (miñwaha ya fumirathi kana ya fumimalo nga vhukale) e heneffo nnđa o bvula nga u ralo, huno a mu litsha a bvela phanḍa na hezwo, izwo zwi sumba uri u bva kha tivha ḫa tshika, ene muṇe, munna wa Mudzimu a ita tshithu tsho raloho. Zwa vhukuma.

<sup>172</sup> Izwo zwi pfala zwi sa tshili, fhedzi ndi a limuha uri ndi khou rera kha lushaka lwoṭhe, na lwone-vho. Fhedzi izwi hafhu ni a zwi ḋivha, mukomana, khaladzi, i ri ni ndi ni vhudze, iyo ndi Ngoho.

<sup>173</sup> Lianga li ḫoda zwithu zwo faho. Izwo ndi zwone. Huno izwo zwo fa! Izwo ndi zwone kokotolo. Zwi sumbedza zwi khagala, zwi tou sumbedza zwi khagala hafha uri ḫohoh yavho ndi ifhio na thawa yavho ya ndango, tshine ya vha neā tshone, ni a vhona, tshi re muyani wavho. Muya wavho u ḫulutshelwa zwithu zwo raloho.

<sup>174</sup> Muya wavho u ḫulutshelwa tshivhidzo tsho ṭalifhaho tsha ḫha, hune vhathu vha ambara zwavhuḍi vhukuma, huno

mufunzi a dzhia miniti ya fumiñhanu, kana ya fumbili. Huno arali ni tshi zwi pfuka izwo, vha mu kokodzela murahu kha bodo ya madikoni. Huno ho ngo fanela u amba tshithu nga ha tshivhi. Ho ngo fanela u amba tshithu nga ha u ambara dzishothi, huno a songo amba tshithu nga ha vhathu vha no ita *hetshi*, *hetsho*, kana *tshiñwe*. Ho ngo fanela u zwi bula hezwo na luthihi. Arali vha tshi ita, bodo i do mu posela nnnda. Ni a vhona uri ndi mini? Iyo ndi sefo yavho ya munna a elekanyaho.

<sup>175</sup> Bivhili yo amba, kha Yohane Ya U Thoma 2:15, “Arali ni tshi funa sisteme ya lino shango, kana zwithu zwa lino shango, ndi ngauri lufuno lwa Mudzimu lu siho kha inwi.”

<sup>176</sup> Zwino mini-ha nga ha vhudifari hothe he vha vhu ita ñamusi, nga dzina la tshivhidzo; vha tshi ita ndowedzo ya u tshina tshikwairini tshivhidzoni, banko, mutambo wa magarata, zwimima, roko-na-rolo ya thangana ya murole, dzithwisti, zwithu hezwi zweþhe! Sedzani uyu Elvis Presley, diabolo o imaho o ambara zwienda! Pat Boone, Ricky Nelson, pfareledzo khulusa ye ulu lushaka lwa vhuya lwa vha nayo! Izwo ndi zwone. Vha ri, “Oo, ndi vha vhurereli nga maanda, vho imba nyimbo dza Tshikriste.” A vho ngo fanela. Tshi—tshivhidzo a tsho ngo fanela u vhuya tsha tendela tshithu tsho raloho! Vhañwe vha avha vhathu vha bvela hafha nnnda, huno—huno madekwana a ñamusi vha ho—hodelani hafha nnnda, vha khou tshina na u lidza muzika na tshiñwe na tshiñwe, huno vhusiku vhu tevhelaho vha da kha alitari huno vha tswimila, huno vhusiku vhu tevhelaho vha khou lidza muzika kha pulatifomo. Oo, nga vhanna, zwa tshilidzi! Naa tshika i nga ya u swikafhi, naa tshika yo vha i tshi do swikafhi, naho zwo ralo? Ee, muñe wanga. Kha thome a disumbedze uri u munna wa Mudzimu, hu si ni izwi zwithu zweþhe nga u tou ri a nga lidza kaþara ya kale kana tshiñwe tshithu.

<sup>177</sup> Nga lutamo lwañu, ni nga amba uri ndi nnyi a re khulunoni ya mbilu yanu. Nga tshine na funa, itsho ndi tshine tsha amba. Inwi, ni ri, “Ndi zwone, ndi elekanya uri izwo zwithu zwo luga, Mukomana Branham.” Ndi zwone, itonu elelwa zwino, mbiluni yanu, ni ðivha tshi re benefho. Ee, muñe wanga. Nga tshine tsha khou fusha myua wañu, tshine myua wañu wa vha na dora latsho, huno ni nga vhona uri tshi a li fusha; arali tshi si ili Ipfi, zwenezwo hu na tshiñwe tshithu tsho khakheaho, ngauri Muya Mukhethwa u tshila nga Ipfi fhedzi. Ni a vhona?

<sup>178</sup> Ndi ðoda ni tshi vhona inwe khombo khulwane, ri sa athu vala, arali ni si na—arali ni si na mulandu wa tshiñwe tsha hezwi zwithu zwe nda zwi bula, huno, itsho ndi, khombo ya u sa londa dora. Ni a vhona? Inwi ni ri, “Ndi na dora likhethwa. Fhedzi a—a thi na mulandu, Mukomana Branham, wa u sokou ya nda vha muraðo wa tshivhidzo, na zwithu zwi no nga hetshi.” Fhedzi, ni a vhona, u litshedza dora! Arali ni tshi

litshedza u fusha dora la madi kana zwiliwa, ni do fa. Nahone arali ni tshi litshedza ilo dora li re kha inwi, la Mudzimu, ni do fa lwa maya.

<sup>179</sup> Ni vhidza dzimvuseledzo, ni lindela tshivhidzo tshañu u vha na mvuseledzo. Ndi zwone, iyo a si—iyo a si mvuseledzo yañu. Mvuseledzo i fanela u thoma heneffo ngomu hañu, musi ni tshi thoma u vha na dora la Mudzimu. Zwi nga itea ha sa vhe na muñwe murado, wa tshivhidzo, a no toða iyo mvuseledzo. Arali i tshi thoma kha inwi, i do thoma huñwe fhethu. Ni a vhona? Fhedzi, ni a vhona, ni litshedza ilo dora.

<sup>180</sup> Ni litshedza u hama kholomo, musi kholomo i... ñamu lo dala mafhi; huno arali na litsha iyo kholomo ya dzula yo ralo, i do xa. Izwo ndi zwone kokotolo. Arali ni tshi litshedza u nwa madi, na ri, “Ndi tou vha ndi sa khou yo dovha nda nwa,” ni do fa. Ni tshi litshedza u la zwiliwa, ni do fa.

<sup>181</sup> Ngauralo arali ni tshi litshedza u ñea Muya Mukhethwa Ipfi la Mudzimu, ni do fa.

<sup>182</sup> Vhoinwi Vhakriste, vhoinwi Vhabaphuthisi, Vhamethodisi, Vhapuresbiterieni, Vhapentekostaña, Khuvhangano dza Mudzimu, Vhuthihi, Vhuvhili, Vhuraru, tshiñwe na tshiñwe tshire na vha tshore, ni a vhona; a thi londi, izwo a zwi ri tshithu kha ñne, a thi elekanyi uri zwi a ita kha Mudzimu. Ni a vhona, ni muthu muthihi, ni nyoga. Na kathihi ni nga si ye Taðulu sa tshivhidzo, kana di—dinomineisheni. Ni do ya Taðulu ni muthu muthihi, vhukati hañu na Mudzimu. Ndi zwenezwo fhedzi. A thi londi uri ni murado wa tshivhidzo tshifhio.

<sup>183</sup> Huno arali ni tshi litshedza u vhala Bivhili na u tenda Bivhili, na Muya Mukhethwa u ñikanzwa Ngayo, ni do fa. Yesu o amba kha Yohane Mukhethwa 4:3; Luñwalo lwe nda lu wana lu re lwone... Yesu o amba zwauri, “Muthu a nga si tshire nga tshinnkwa fhedzi, fhedzi nga Ipfi ñinwe na ñinwe,” hu si ni tshipida Tshaþo.

<sup>184</sup> Ri dzhia zwituku, *hafha*. Uyo ndi mu vhidza muimisalifithi wa Bivhili. Vha ri, “Zwo luga, ndi a li tenda *Heli*, fhedzi zwino kha ri pfukele nga *hafha*, ni a vhona.” Ni a vhona?

<sup>185</sup> Ni tea u Li dzhia, Ipfi nga Ipfi. Yesu o ri, “Muthu u do tshila nga Ipfi ñinwe na ñinwe li bvaho mulomoni wa Mudzimu.” Naa no zwi ñivha izwo? [Tshivhidzo tshi ri, “Amene.”—Mudz.]

<sup>186</sup> Huno, ni a ñivha, ro ita—ro ita ñuvha ñine ra khou tshila khaþo, ro—ro ita ñuvha ili... u—u—u shandeá ha vhurereli.

<sup>187</sup> Ñwananyana wanga o mmbidza uri ndi dzhene, zwi si zwa kale-kale, huno a ri kha ñne, “Khotsi,” kha lurumbu lu tevhelaho lwa nndu, a ri, “kha vha ðe nga hangeno, ri khou yo vulela mbekanyamushumo ya vhurereli.” Ho vha hu u

imba, u imba nyimbo, huno ho vha hu na Ricky muṭuku a tshi khou vhala heneffo ntha. Huno arali ndo no vhuya nda vhona ndangulo i ḥambuludzaho, yo vha i yeneyo! Avho vhathu heneffo ntha, na vhathu, vho vhonala vha tshi nga litambwa la fhasi. Vha tea u vha vhe lushaka lwa Maindia, huno vho vha vha tshi khou bvela phanda, huno—huno vha tshi fhufhela n̄tha na u rwana nga mavili.

<sup>188</sup> Ngafhi, ndi mini two ṭuwaho na vhufulufhedzei, dzi ngafhi idzo nyimbo dza tshikale-kale dze ra vha ri tshi anzela u dzi imba, huno ri tshi takala Muyani wa Mudzimu, nahone mitodzi i tshi elela mashamani ashu? Huno zwino ri lingedza u fara myua washu u swika ri si tshe na myua wo edanaho kha riñe, u swika tshifhaṭuwo tshashu tshi tshi shanduka tsha vha buļuu, u lingedza u sumbedza uri ri muimbi wa luñwe lushaka. Ni a vhona, ro kopa izwo kha Hollywood, na idzi mbekanyamushumo dzothe dzine ra dzi vhona nga uhu u imba nyimbo ha vhuṭali na u pfumbudzwa ha ipfi. Ndi—ndi takalela u pfa u imba havhudji; ndi takalela u pfa u imba havhudji ha tshikale-kale, hu kwamaho mbilu, ha pentekoste. Fhedzi ngoho ndi vhenga u pfa u tzhema uho hune vha hu vhidza u imba, ḥamusi. Izwo ndi zwone. Ndi elekanya uri itshe ndi tshithu tshi seisesaho. Ndi u shandea. Izwo ndi zwone.

<sup>189</sup> Ndi takalela u vhona munna musi e munna. Ndi vhenga u vhona muñwe o ambara zwiambaro zwa tsini zwa mufumakadzi wawe hafha nnda, huno two penguwa nga thungo; na—na rołara i tshi khou nembelela hafha fhasi nga phanda, huno mivhala mivhili ya mavhudzi i tshi khou nembelela fhasi vhunga ḥotha dza mavhudzi, o ḥunyiwaho nga phanda. Uyo, uyo ndo—ndo kundelwa u mu vhidza munna. Ha ḫivhi uri ndi wa sia lifhio la lushaka. Ni a vhona? Izwo ndi zwone. Ni vhona musadži, sedzani, musadzi u khou lingedza u ḥunya awe, u ita mavhudzi awe uri a nge a munna; munna u khou lingedza u ita mavhudzi awe, ḥotha dza mavhudzi, vhunga musadzi. Munna o ambara zwiambaro zwa tsini zwa mufumakadzi wawe; ene o ambara maovarolo awe. Ni a vhona, hu tou vha u shandea, u mona hothe.

<sup>190</sup> Huno izwo ndi zwenezwo zwithihi kha lushaka, kha vhathu, kha zwivhidzo, kha tshiñwe na tshiñwe. Oo Mudzimu! Vhufhelo ha itshe tshithu vhu ngafhi? U Da ha Murena Yesu Kristo, uho ndi vhufhelo hatsho.

<sup>191</sup> Ngauralo, arali ni tshi litshedza u kanzwa Muya Mukhethwa nga Ipfi la Mudzimu! Yesu o ri, “Ipfi liñwe na liñwe li do vha nga Muya Mukhethwa.” Huno thetshellesani zwino. Arali na lingedza u Li kanzwa nga tshithu tsho khakheaho, arali U Muya Mukhethwa wa vhukumakuma kha inwi, U do ḫivha phambano. Zwino, elelwani, Ipfi la Mudzimu ndi tshine Muya Mukhethwa wa ḫikanzwa ngatsho. A u ḫikanzwi nga vhusweleli. A u ḫikanzwi nga

pfunzo. A u dikanzwi nga u ya tshivhidzoni. A u dikanzwi nga dzitheolodzhi. Hu na phambano khulu vhukati ha tshiñwe tshithu tsho hevhedzwaho na vhuimo hatsho ha theolodzhi.

<sup>192</sup> Vhađivhi vha theolodzhi avho vhothe maduvhani a Yesu, nnenne, vho vha vhe na ipfi nga ipfi, siačari nga siačari, zwe the zwo vhekanywa, Mesia o do tea u da nga *heyi* ndila! Izwo ndi zwone kokotolo zwe zwa vha zwi zwone. Huno vhone, muňwe na muňwe, a sa zwi limuhe. Ni a divha zwe Yesu a amba musi A tshi da, o ri, “Ni vha ha khotsi aňu Diabolo, huno ni do ita mishumo yawe.”

<sup>193</sup> Vho vha vha songo dzumbulelwa zwe Ipfi la vhukuma la vha li zwone. Ni a vhona, a vho ngo limuha idzo khuda thukhu, vhunga vha sa dzi limuhi ñamusi. “Arali ni tshi do vha wa *hetshi* nahone na vha wa *hetshi*, ni do luga tshothe.” Ni songo zwi tenda hezwo. Ni tea u vha wa Kristo. Huno arali hu na Tshiñwe tshithu kha inwi, tshi re na ndala ya Kristo!

<sup>194</sup> Itonu elelwa, musi no vha ni khunduni dla khotsi aňu, no vha ni navho tshifhingani itsho. Fhedzi khotsi aňu a vho ngo ni divha tshifhingani itsho, huno inwi a no ngo divha khotsi aňu. Huno no do tea u da na bebwa. Mudzimu o ita ndila nga kha mme aňu, uri vha vhe tshi—tshiraba, huno zwenezwo i a da. Huno zwenezwo ni vha munna kana musadzi, tshiñwe na tshiñwe tshe tsha vha tshi tshone, zwenezwo na limuwa khotsi aňu, huno khotsi aňu vha kona u vha na vhučama na inwi.

<sup>195</sup> Zwino, elelwani, arali ni na Vhutshilo Vhu Sa Fheli, Vhutshilo hanu ho vha vhu Mudzimuni u rangani. Huno, Vhutshilo, Mudzimu ndi Ipfi. Huno zwenezwo musi Ipfi li tshi itwa ñama kha Yesu Kristo, Mudzimu a tshi khou tsela fhasi u dzula kha muvhili Wawe Ene mune, o Diiita Murwa wa Mudzimu. Musi Mudzimu a tshi tsela fhasi u da u dzula kha hoyo, no vha ni Khae musi A tshi vhambiwa. Huno no vhambwa Nae, nahone na fa Nae Khalivari. No swiňwa Nae, kha thavha. Huno no vuwa Nae, nga matsheloni a Paseka. Huno zwino no dzula nothe fhethu ha Tađulu, Khae, huno zwino ni na vhučama Nae. Ni a vhona?

<sup>196</sup> Mudzimu Ene muňe u vha muňwe washu. “A hu na muthu o vhonaho Khotsi, nga tshiñwe tshikhathi, Mu-bebwa-eþe fhedzi wa (Murwa) Khotsi o Mu dzumbulula.” Ndi uri, Mudzimu o vha Muthu, uri A kone u vha na vhučama na inwi sa muthu. Ni a vhona? Huno zwino ni—ni ñama, na Ene ndi ñama. Mudzimu u itwa ñama vhukati hashu, nga Muthu wa Murwa Wawe, Yesu Kristo. Huno Khae ho vha hu na Mudzimu. O vha e Mudzimu, Mudzimu o vha a sa taħedzi tshithu. O vha e Mudzimu. “Mudzimu o vhonadzwa kha Murwa, Yesu Kristo,” zwe zwa Mu ita *Imanuele*, sa muporofita o amba uri U do vha nga u ralo.

<sup>197</sup> Zwino ni a vhona, zwenezwo, no do tea u vha hone shango li sa athu vhuya la vhumbwa, dzina laju la nwala Buguni ya Vhutshilo ya Ngwana. Huno zwenezwo ndi mini tshire ni nga la? Muya Mukhethwa u tshila nga Ipfi la Mudzimu. Huno zwino kha Nzumbululo 22:19, Bivhili yo ri, “Ane a do tusa Ipfi lithihi kha Heyi, kana a engedza ipfi lithihi Khayo, mukovhe wawe u do tuswa Buguni ya Vhutshilo.” Ni a vhona uri two tsa hani? Ni nga si kone, Muya Mukhethwa u nga si tshire nga zwithu zwa shango.

<sup>198</sup> Vhunga liivha na funguvhu. Funguvhu ndi muhoi muhulu. Funguvhu, ilo linoni li nga bva hafha huno la la goroi duvha lothe; huno la ya nga hangei la fhufhela kha mutumbu wo faho, wa kale wo faho, huno la u la-vho. Li nga dzula tsimuni huno la la na liivha, goroi, huno la ya nga hangei la la mutumbu wo faho.

<sup>199</sup> Fhedzi liivha li nga la goroi duvha lothe, fhedzi li nga si le mutumbu wo faho, ngauri ndi liivha. Huno liivha a li na tshavhuitungu. Tshinenzelo tshithihi tshi bvahó kha uyo mutumbu wo faho, tshi do vhulaha liivha. Ni a vhona, a li na tshavhuitungu. Huno iyo ndi ndila ine zwa vha ngayo, a hu na u vhavha.

<sup>200</sup> Iyo ndi ndila ya Mukriste wa vhukuma, wa vhukumakuma. A vha todz zwithu zwa shango. Vha tou la Ipfi la Mudzimu, nahone Lenelo fhedzi; tsho kunaho, Sefo ya munna a elekanyaho. Ni a vhona, vha fhira nga kha Heyo, nahone Heyo fhedzi. Zwithu two faho zwa shango, i a zwi nukhela.

<sup>201</sup> Sedzani funguvhu la kale maduvhani a tshinyadzo ya phanda ha mudalo, li tshi fhufha u bva kha muvhili u ya kha muvhili, li tshi la iyo mitumbu ya kale yo faho, a lo ngo vhuyeleta gungwani. Fhedzi liivha a lo ngo kona u wanela milenzhe yalo vhuawelo, ni a vhona, li vhuyeleta gungwani he la vha li tshi wana thoro. Huno iyo ndi ndila ine ra ita, ri tshire nga Ipfi la Mudzimu.

<sup>202</sup> Kha Dziphisalema 42. Dafita u fanela u vha o nwala iyi Phisalema, Dziphisalema 42, musi o vha e mutendeleki, musi a tshi ri, “Muya wanga u na dora Lau, sa tholo i tshi tulutshelwa mulambwana wa madzi.” Sedzani, o lila. Dafita o vha e mutendeleki. O vha o...O vha e na ole ya ndodzo khae, o divha uri u khou yo vha khosi. Muporofita o mu dolisa uri a vhe khosi. Zwino sedzani, huno a vha e henehfo, o vha e na tshigwadanyana tsha maswole, tsho itwaho nga Vhannda, na vhanwe-vho, e nthia thodzini ya thavha. He, mudi wawe u funwaho, nga nwambo wa tshivhi tshawho, vha vha vho tingeledzwa nga Vhafilista. Huno Dafita, nga ilo duvha li fhisaho, hu fanela u vha ho vha hu musi a tshi nwala iyi Phisalema, “Sa tholo i tshi tulutshelwa mulambwana wa madzi.”

<sup>203</sup> Dzhielani Dafita nzhele kha iyi nyimele. O sedza fhasi, a sedza mudi wawe u funwaho. Huno a elelwa musi a tshi kha

di vha mutukanyana, o vha a tshi anzela u vulela dzinngu a dzi isa kha ili linwe tivha heneffo. Lo vha li shango lihulwane, lihulwane la madi, huno nahone li shango la tshinnkwa, fhasi heneffo. Zwa vhukuma, *Betlehema*, zwi amba “nndu ya Tshinnkwa tsha Mudzimu.” Huno zwenezwo musi Dafita a tshi elelwa a tshi fhira nga heneffo huno a nwa ayo madi avhuqi a rotholelaho, huno ngoyu o shuvhama hafha nthia zwino, mutendeleki, kule na vhathe vha hawe. O vha a si na fhethu he a vha a tshi nga ya hone, huno maya wawe u fanela u vha wo lilela ayo madi avhuqi a rotholelaho.

<sup>204</sup> O vha e na vhañwe vhalanda heneffo vhe, nnene, lutamo lwawe lutukusa lwo vha lu ndaela. Huno vhone, vhararu vhavho, vho lwela ndila yavho nga kha uyo mukano wa Vhafilista; maela dza fumithanu, maela dza sumbe, kana tshiñwe tshithu, fhasi na murahu; vha tshi vula ndila yavho, huno vha mu disela tshinwiwa tsha ayo madi. Fhedzi dora la maya . . .

<sup>205</sup> Muvhili wawe, e heneffo nthia, khamusi o do tea u nwa nga tshiñwe na tshiñwe tshe a kona u tshi wana, miñwe mikumba ya kale ya mbudzi na zwithu, hu na madi a kale a fhisaho ngomu, nga ilo duvha li fhisaho. A elekanya, “Arali ndo vha ndi tshi nga shuvhama fhasi huno nda dzimula ili dora line nda vha na! Arali ndo vha ndi tshi nga tou tsela fhasi henengei Betlehema huno nda shuvhama tsini na itsho tshisima, huno nda nwa!”

<sup>206</sup> Huno musi vha tshi tsela fhasi vha wana madi, nahone vha vhuya nao, dora la maya wawe lo vha lo no vha lihulwanesa, hu si ni u itela Betlehema, fhedzi u bva Yerusalem; maya wawe wo vha wo ralo. Ngauralo a ita ayo madi tshiñhavhelo, a ri, “A thi nga vhuyi nda a nwa.” A a shululela mavuni. Ni a vhone, maya wawe wo vha u na dora lo engedzeaho kha Mudzimu, u fhira u fusha u dzimula lavhuqi . . . dora lawe la muvhili wawe, nga madi avhuqi a rotholelaho. A a shululela mavuni.

<sup>207</sup> Ni a vhone, Nndu ya Mudzimu, madi a rothodzaho maya a Yerusalem, une wa vha nthia! Yesu o ri, kha Yohane 6:33, “Ndi nne tshone, Tshinnkwa tsha Vhutshilo. Ndi nne Tshinnkwa tsha Vhutshilo.” *Betlehema*, “nndu ya Mudzimu,” tshivhidzo tshashu, tshivhidzo tsha lifhasi tsha Mudzimu, tshivhidzo tshi re fhano kha lifhasi. Ri funa u ya tshivhidzoni fhano kha lifhasi, fhedzi Yerusalem ndi muhulwane, une wa vha nthia, u re Mudzimu. Yerusalem nthia, u re Mudzimu! Dora ilo la maya ndi lihulwane, u vha henengei Nae, u fhira u tou difusha nga u vha murado wa tshivhidzo huñwe fhethu. Ni a vhone, u vha murado wa tshivhidzo a hu fushi ilo dora. Dafita o zwi sumbedza hafha, madi a tshi bva heneffo nduni ya Mudzimu, ni a vhone, a a shululela mavuni; u wana u takalelwa, u wana tshinwiwa tshavhuqi tshi rotholelaho ha Mudzimu. Na kha zwezwo . . . Lihulwane u fhira dora li re kha inwi, ndi ilo dora la dora la maya kha Mudzimu.

<sup>208</sup> Dzhielani nzhele Yerusalem, ipfi. “Yerusalem u bva ntha,” Bivhili yo ri, “vhane ra vha...ndi Mme ashu rothe.” Huno Kristo ndi Mme ashu. Ri limuwa uri Mudzimu ndi Mme ashu, ngauri ro bebwaa Ngae. Ipfi ilo li amba fhedzi “mulalo,” Yerusalem, *Shalom*. Kana, *Shalom*, li no amba “mulalo,” Yeru-shalom, ni a vhona, li amba “mulalo.”

<sup>209</sup> Dora la maya muñwe na muñwe li tea u vha lihulwane, la mađi a Vhutshilo, u fhira u amba uri ni murado wa tshivhidzo; dora la maya li nga si fushwe, dora vhukuma la ngoho. Li nga kona u shandiwa. Ni nga di *elekanya* uri no luga tshothe musi ni tshi vha murado wa tshivhidzo, fhedzi uho a si Hone. Uho hu nga si fushe dora likhethwa la vhukumakuma la Mudzimu. Uho hu nga si tou kona u zwi ita. Hu tou... Hu tou vha hu siho henehfo.

<sup>210</sup> Zwino Dafita o amba, kha Dziphisalema 42:7 hafha, “Musi vhudzivha vhu tshi vhidza Vhudzivha, hu tshi bvuma guvhukuvhu Lau,” mbidzo ya maya.

<sup>211</sup> Sedzani, ndo no shumisa hezwi kanzhi sa tshifanyiso. Arali hu na pwiti muñanani wa khovhe, yo do tea u vhewa henehfo u itela uri i tale ngayo. I a i ḥoda. Zwino mini-ha arali yo vha i tshi do ri, “Ndi khou yo vha khovhe yo fhambanaho. Ndi khou yo vha khovhe yo thanyaho, yo funzeaho. Uh-huh, ndi—ndi do tou...ndi khou yo tenda iñwe theolodzhi ya vhukuma! Ndi tenda uri a thi tei u vha na pwiti iyo”? Yo vha i si nga yi kule nga maanda mađini, yo vha i tshi do ralo? Huno izwo ndi zwone kokotolo.

<sup>212</sup> Mini-ha arali muri wo ri, “Zwino, ndi a ñivha uri ho do tea u thoma ha vha na liñhasi, uri ndi aluwe khalo. Izwo ndi zwone. Ndi tea u aluwa liñhasini. Fhedzi ndi khou yo vha muri wo fhambanaho, ndi ḥoda vha tshi tou nñavha vhukati ha tshitarata, u itela uri ndi dzhielwe nzhele”? Ni a vhona, u nga si tshire tshifhinga tshilapfu. Ni a vhona? Izwo ndi zwone.

<sup>213</sup> “Musi vhudzivha vhu tshi vhidza Vhudzivha.” Ndi tshithu tshi no fhira u vha murado wa tshivhidzo. Ndi tshithu tshi no fhira u khađana na mureri. Ndi tshithu tshi no fhira u tshila vhutshilo havhudí, ha u fulufhedzea. Zwi dzhia tshirñwe tshithu u fusha vhungomu hañu, tshi no khou shuluwa tshi tshi bva ha Mudzimu, tsha dzhena tuyani. “Vhudzivha vhu tshi vhidza Vhudzivha, hu tshi bvuma maguvhukuvhu Au, Oo Murena. Vhudzivha vhu tshi vhidza Vhudzivha!”

<sup>214</sup> Naa ndi lushaka-de lwa dora lwe ra vha ri tshi nga elekanya uri lwo vha lu kha rine madekwana a namusi? Rine, sa vhatuu vha Pentekoste, naa ri khou yafhi? Naa ndi lushaka-de lwa dora li re kha rine? Naa ndi lushaka-de lwa dora li re kha nné? Naa ndi lushaka-de lwa dora li re kha inwi? Ni songo lingedza u fhumudza ilo dora likhethwa la Mudzimu.

<sup>215</sup> Miñwaha yo fhiraho, musi vho vha vha tshi anzela u vha na musuku nnđa hafha dzithavhani. Ndo vhala nganea, miñwaha

minzhi yo fhiraho, yo nkwambatela tshifhinga tshōthe. Yo ri ho vha hu na mu—mutodi we a bva huriwe fhethu hafhā nga phandā ha dzithavha hafha, huno o vha a tshi khou ḥoda musuku, huno a tangana na lupfumo. Huno a vhuya, a tshi khou elekanya; musi a tshi swika muđini, tshe a vha a tshi ḥo vha tshone, vhuleme hawe ha vha ho no fhela. Huno—huno a—a lingedza u—u amba, “Matshelo ndi ḥo dzhena huno ndi ḥo...” Lu tou vha lwendo lwa ḫuvha jithihi, a vha o dzhena muđini, huno a vha na musuku. Huno o vha e na saga khulu dzo ḫalaho ngawo.

<sup>216</sup> O vha e na mmbwa. Hu si u fanyisa zwino mmbwa na Muya Mukhethwa, fhedzi ndi khou ita tshifanyiso. Fhedzi iyi mmbwa...

<sup>217</sup> Vhusiku hōthe, mutodi a edela mmbetenī wawe, huno—huno a thoma u elekanya, “Zwino, matshelo ndi ḥo—ndi ḥo dzhia musuku wanga wōthe nda u dzenisa, huno ndi ḥo vha tshe nda ḥoda u vha tshone tshifhinga tshōthe. Ndo—ndo—ndo ḥoda u vha munna o pfumaho tshifhinga tshōthe. Ndo—ndo ḥoda u vha na zwithu zwavhud̄i, na zwiñe—vho.”

<sup>218</sup> Huno—huno zwenezwo iyi mmbwa ya thoma u huvha, nahone nga ñwambo wa uri ho vha hu na swina le la vha lī tshi khou sendela. Huno a—a bva heneffho, huno a ri, “Fhumula!” Huno ngauralo mmbwa ya dzika. Huno ha ri musi a tshi kha dī bva u vhuyeleta mmbetenī, a thoma u nga u khou yo edela, huno mmbwa ya thoma hafhu, i tshi sokou fhufha i kha ngedane. Huno a dovha a ya muñangoni, a ri, “Fhumula! Ndi ḥoda u tshi ḫivha uri matshelo ndi munna o pfumaho, ni a vhona,” huno iyo yo vha i miloro yawe mihilwane. Fhedzi mmbwa ya thoma u huvha hafhu.

<sup>219</sup> Huno mafhedziseleni, a nyama nga maand̄a, a ya huno a dzhia tshigidi tshawe a thuntsha iyo mmbwa, huno a i vhulaha. A ri, “A thi tsha ḥo vha na mushumo na iwe, naho zwe ralo. Matshelo ndi munna o pfumaho. Ndi ḥo vha munna o pfumaho, matshelo.”

<sup>220</sup> Huno a vhea tshigidi fhasi khudani, a furalela muñango, a ya a edela. Huno munna o vha a tshi khou mu tevhela, lwa mađuvha, a nangavhedza huno a mu vhulaha. O vha e si munna o pfumaho, ni a vhona, a imisa itsho tshisengenedzi tshe tsha vha tshi tshi khou lingedza u mu vhudza uri vhutshilo hawe vhu khomboni.

<sup>221</sup> Huno, mukomana, khaladzi, na kathihi ni nga si kone u... Ni songo lingedza na kathihi u fhumudza iyo mbidzo khethwa mbiluni yanu, ni a vhona, nga u vha murado wa tshivhidzo, nga u dekesha ndaela, nga u vha wa liñwe dzangano.

<sup>222</sup> Hu na tshithu tshithihi fhedzi tshire tshi nga i fusha, uyo ndi Muthu, Yesu Kristo. “Sa tholo i tshi ḫulutshelwa mulambwana wa mađi, ngauralo muya wanga u na ḫora Lau, Oo Mudzimu. Muya wanga u na ḫora la Mudzimu a tshilaho!”

Ni a vhona, hu na tshiñwe tshithu kha inwi, tshi no ḥodou vhona u shuma ha Mudzimu. Muya wañu u na ḥora Laho. Ni songo ima na kundelwa u wana Hetsho.

<sup>223</sup> Ni songo tendela muñwe mufunzi a tshi ni vhudza, “Ni tea u mu khada, u vha murado wa tshivhidzo, kana u vha wa *heļi* dzangano.” Ni songo vhulaha iyo phumudzo khethwa. I a ni tsivhudza. Linwe duvha li do da musi ni tshi do swika magumoni a ndila.

<sup>224</sup> Vhunga mufumakadzana mudini wa hashu une ra bva khawo. O vhudza... Musidzanyana a gonyela henengei tshivhidzoni, nahone musidzanyana wavhudzi nga maändesa. Huno o vha a tshi khou tsa nga tshitarata. O vha e na mavhudzi malapfu, ni a ñivha, huno mavhudzi awe o kokodzelwa murahu vhunga ganda litete la nyala yo swotolwaho, zwa ḥodou ralo, huno tshifhañuwo tshawe tsho vhonala... tshi songo ḥodzwa zwidolo. Huno uyu musidzana o vha a tshi anzela u tambo ngae, a ri, “Arali no vha ni si na uyo mureri wa ḥoho yo welelaho nga n̄ha ane na vha naye ngei n̄ha,” a tshi khou amba nñe, a ri—a ri, “no vha ni tshi nga sedzea sa tshiñwe tshithu tshi ḥonifheaho. Fhedzi ni sedzea sa tshiñwe tshithu tshi bvaho vhengeleni la thundu ya kale.” Huno, oo, a sokou mu hambekanya, misi yothe a tshi mu vhona o ralo. A ri, “Mufunzi washu u na ḥalukanyo yo ḥandavhuwaho.” A ri, “U—u—u a vha ñivha. Izwo, ndi ngani ni tshi takalela hezwo? Izwo a zwi ambi tshithu, uri ni ambara hani kana ni elekanya hani.” Zwi ralo! Bivhili i ri zwi ralo. Ri do tshila nga Ipfi linwe na linwe!

<sup>225</sup> Ngauralo uyu musidzanyana a si mu dzhiele tshenzhemo na zwiłukułuku na kathihi, a bvela phanda. Zwino ndi mufunziruña.

<sup>226</sup> Ngauralo zwenezwo uyu—uyu mufumakadzana a farwa nga vhulwadze ha matshilisano, huno a fa. Khonani yanga ya bommbela tshiludi tsha u londola ngomu hawe musi a tshi khou fa. A mmbudza, a ri... Nga murahu ha musi o no fa, a dzulela u pfa munukho wa tshiludi. O vha e na tshilonda kha lurumbu lwawe, vhulwadze ha matshilisano. A vho ngo vhuya... Na vhabebi vhawee a vho ngo ñivha tshe tsha vha tsho khakhea khae. Huno a fa. Fhedzi a sa athu fa...

<sup>227</sup> O funza tshikolo tsha Swondaha. Huno tshigwadanyana tshawe tshothe tsha tshikolo tsha Swondaha tsha dzhena, vho vha vha tshi ḥoda u mu vhona musi a tshi ya Tađulu, Vharuñwa vha da vha mu hwala a ḥuwa. Huno mufunzi wawe e nnnda, a tshi khou daha sigarete, a tshi ya n̄ha na fhasi holoni sibadela. Huno vhothe vho vha vha tshi khou yo imba musi a tshi khou yo fa, ni a ñivha. Vho ñivha uri o do tea u fa. Madokotela o ri u khou fa, ngauralo vhothe vho vha vha tshi khou yo vhona Vharuñwa vha tshi da, vha mu hwala a ḥuwa.

<sup>228</sup> Huno nga kathihi fhedzi, musi a tshi livhana na vhukuma! Zwino, o vha e murađo wa tshivhidzo a fulufhedzeaho, o vha e mudedekadzi wa tshikolo tsha Swondaha, nahone e murađo wa tshivhidzo a fulufhedzeaho wa tshivhidzo tshi re dinomineisheni tshavhuđi tshihulu. Fhedzi musi a tshi thoma u tambula, lufu lwa mu đela; a ruđa mađo awe, huno a ri, "Ndo xela!" A ri, "Ndo xela! Iyani, ni wane mufunzi!"

<sup>229</sup> A dzima sigareće yawe, huno a dzhena, a ri, "Hafha, hafha! Hafha, hafha! Ri đo wana dokotela wa u ni ćea dzhekiseni."

<sup>230</sup> A ri, "A thi ćodi dzhekiseni." A ri, "Iwe mufhuri wa vhathu! Ndi khou fa, huno ndi khou ya vhudzulavhafu. Huno ndo xela ngauri wo kundelwa u mmbudza Ngoho. Iya u dzhie ulla musidzanyana wa ha Goodhue, huno u mu đise ngeno n̄tha kha n̄ne, nga u ćavhanya. U kha ngoho."

<sup>231</sup> Lindelani u swika ni tshi livhana na vhukuma luthihi. Ni songo lingedza u imisa iyo phumudzo khethwa. Ni songo I thuthubisa nga tshigidi tsha musalauno, tsha pfunzo, tsha milomo mivhili. Inwi thetshelesani iyo tsivhudzo ya Muya Mukhethwa, madekwana a namusi, i no khou ni tsivhudza, "Ndi N̄ne Nđila, Ngoho, na Vhutshilo; a hu na muthu ane a đa ha Khotsi, nga nnđa Hanga." Huno U Ipfi.

Kha ri kotamise zwifhađuwo zwashu lwa tshifhinganyana.

<sup>232</sup> Ndi ćodou redza liňwe Ipfi lo engedzeaho la Murena Yesu, musi ni tshi khou elekanya nga hazwo. Yesu o amba, kha Mateo 5, "Mashudu vhane vha pfa ndala na dora." Nahone ndi mashudu u vha na ijo dora kha inwi. Naa no no swika fhethu he sisteme yanu—yanu—yanu yođhe ya tshikafhadzwa nga maanda nga vhudinomineisheni, na vhurabeli vhusili vhuđuku na tshakha, na zwithu, ndaela ćukhu dla tshivhidzo, zwa matshilisano, vhunga u vha mirađo ya dzijodzhi, na zwiňwe-vho, u bva kha tshivhidzo u ya kha tshivhidzo? Naa Diabolo o kona u dzenisa ayo mađi a tshikafhadzo, huno na sokou guludana, vhunga nguluvhe i mukungwani? Ngeno, ni sa vhuyi na ćivha uri dora la Mudzimu li dzimulaho zwa vhukuma ndi lifhio; u Mu vhona, tshithu tsha vhukuma, nga Muya Mukhethwa a no tshila kha inwi, nahone u tshi vhonadza. Arali ni—arali ni nga heyo ndila madekwana a namusi, arali ni tshi kha đi vha na dora la Mudzimu, i ri ni ndi ni vhudze:

Hu na Tshisima tsho đalaho Malofha,  
A bvaho kha tsinga dla Imanuele,  
Hune vhaitazzwivhi vha mbwandamela phasi  
    ha mudalo,  
Bvisani dondo ćavho ćođhe la milandu.  
  
Iyo mbava i faho yo takalela u vhona  
Itsho Tshisima nga đuvha ćayo;  
Heneffo ngavhe n̄ne, naho ndi muvhi sa ene,  
Ndi tshi ćanzwa zwivhi zwanga zweđhe.

Tshi bva tshee nga lutendo nda vhona ulwo  
ludambwana  
Nđisedzo ya mbonzhe Dzau dzi elelaho,  
Lufuno lu rengululaho lwo vha ndivho yanga,  
Huno lu do vha yone u swika ndi tshi fa.

<sup>233</sup> Arali ni na ilo dora madekwana a namusi, u divha zwo engedzeaho nga ha Mudzimu, na u da tsini Nae, naa ni nga imisa tshanda tshanu zwino musi tshifhatuwo tshinwe na tshinwe tsho kotama, na ri, "Nthabeleleni." Oo Mudzimu, sedza zwanda!

<sup>234</sup> Nnda shangoni hune khasho ya khou da zwino, u bva Vhubvaduvha, Devhula, Vhukovhela, na Tshipembe, vhoiwi ni re pherani idzo, imiselani zwanda zwañu kha vhafunzi na tshinwe na tshinwe tshire tsha vha heneffo, tshire na tshi tama; inwi, tshinwe tshithu kha inwi, tshi re na dora la Mudzimu. Ilo dora likhethwa!

<sup>235</sup> Ni songo li fusha. Oo, inwi ni ri, "Mukomana Branham, ndo—ndo tavha mukosi luthihi. Ndo tshima Muyani." Ni songo, ni songo, ni songo dzhia hezwo. Hai.

<sup>236</sup> Lindelani u swika pfusho iyo i tshi da, Mukovhe wa pfusho ya vhuðalo ha Muya Mukhethwa u tshi dzhena, zwenezwo idzi tsimbi dla dakalo dla u tavha mukosi, na u amba nga dzindimi, na u tshima Muyani, zwi do da. Ni nga si tee u zwi ita nga muzika. Ni do zwi ita musi ni tshi khou tsa nga tshiñaraña, goloini yanu. Ni do zwi ita musi ni tshi swiela fuloro. Ni do zwi ita musi ni tshi òmbela zwibigiri luvhondoni, nga mushumo wanu wa u vhaða. Huñwe na huñwe hune na vha hone, ilo Dakalo li sa ambei nahone lo ðalaho vhugala!

Zwino kha ri rabele.

<sup>237</sup> Khotsi wa Taðulu a funwaho! Wo lapfa, wo lapfesa, wo tharamuwa, uyu Mulaedza muñuku madekwana a ñamusi, fhedzi, Mudzimu a Funwaho, ngavhe Muya Mukhethwa Wau u tshi disa tshi—tshi no ambiwa kha mbilu iñwe na iñwe. Heneffa tshivhidzoni itshi, madekwana a ñamusi, ho vha hu tshi tou vha na zwanda zwo imaho zwa mbalo dzi re na tshivhalo, hothe u mona na dziholo na huñwe na huñwe. Ri—ri a rabela, Mudzimu a funwaho, ri tshi itela vhone. Oo, ngavhe uyo Mukovhe wa Mudzimu u fushaho, une wa vha Kristo, Fulufhelo la Vhugala, Fulufhelo la Vhutshilo kha inwi, ngavhe U tshi da kha muñwe na muñwe wawho.

<sup>238</sup> Nnda-nnda kha lushaka, u bva California, n̄ha ngei New York zwino, hune ha kha di vha nga matshelonitsheloni, vha khou thetselesa henengei n̄ha; nga ngei—ngei New Hampshire, na u tsela phasi Boston, hothe u tsela phasi Texas, u fhira nga Indiana, nnda ngomu California, na u mona hothe. Oo Mudzimu, sedza izwo zwanda; sedza zwine zwa vha phasi hazwo, Murena, iyo mbilu heneffo i no khou pfa ndala na dora.

<sup>239</sup> Ili duvha lo shandeaho, he Diabolo a pofudza maṭo a vhathu, u tou vha murado wa tshivhidzo, huno a ri, “Ndi zwenezwo fhedzi zwine na ḥoda.” Huno vha kha di qisedza huno vha vhona ndila ine vha ita, na lutamo lune vha vha nalwo lwa u fana na shango.

<sup>240</sup> Ngeno, Bivhili i tshi ri vhudza, “Arali ri tshi funa zwithu zwa shango, lufuno lwa Mudzimu a luho kha riqe.”

<sup>241</sup> Itou elekanya, Khotsi, ndila ine a nga shanda ilo Ipfi la vhukuma la ngoho, ndila ine vha nga ri, “Oo, ri tenda Bivhili, fhedzi hu si ni Hetshi. A ri tshi tendi Hetshi. Ri tenda uri Hetshi tsho vha tshi tsha tshiñwe tshikhathi. Ri tenda uri hetshi ndi Hetsho,” ngauri, inwe dinomineisheni yo whilinganyela ḥhalukanyo dzavho ngomu ha ilo tivha la tshika.

<sup>242</sup> Ngeno, Yesu o ri, “Ane a do ḥusa Ipfi lithihi kha Hetshi, kana a engedza ipfi lithihi Khatsho, mukovhe wawe u do ḥuswa Buguni ya Vhutshilo.”

<sup>243</sup> Mudzimu a funwaho! Elekanya nga ha u shonisiwa ngei Khaṭhuloni, musi vhathu vho tshila vhutshilo havhudzi, ho kunaho, vhukhethwa, vho ya tshivhidzoni nga u fulufhedzea u ya nga he vha kona, huno vha xela.

<sup>244</sup> Elekanya nga ha avho Vhafarisei, nga ndila ye, u bva vha tshi kha di vha vhatukanyana, vha pfumbudzwa nga Ipfi, vha da nga zwikolo na tshiñwe na tshiñwe, vhe vhakhethwa (vho do tea, kana vho vha tshi do kanḍwa nga matombo vha fa), huno Yesu o ri, “Ni vha ha khotsi anu Diabolo.”

<sup>245</sup> Nga ndila ye Israele a tsela phasi heneffo! Huno heļi nga li vhe tsivhudzo kha Vhapentekostała, Murena, shangoni lothe. Nga ndila ye Mushe, muporofita, a tsela kha la Egipita, u khunyeledza Ipfi la Mudzimu, u disa tshedza tsha madekwana khavho! Nga ndila ye vha vhona madembe mahulu a Mudzimu! Nga ndila ye vha mu tevhela, vha pfuka Lwanzhe Lutswuku, vha lovhedzelwa khae, vha ya sogani huno vha la zwiliwa zwa Vharunwa zwo waho zwi tshi bva Tadulu. Huno zwenezwo vha hana u dzhia Ipfi lothe, musi vha tshi vhuaya Kadesh-barnea... u swika Kadesh-barnea, u bva—u bva shangoni lo fulufhedziswaho, huno vha ri, “vha tou nga miswonda; ri nga si kone u zwi ita.” Ngeno, Mudzimu o ri, “Ndo no ni nea shango”! Mukanoni! Yesu o ri, “Avho, munwe na muniwe wavho, vho lovha. Vho fa,” vho xela, vha si na Mudzimu, naho vho ita hezwi zwithu zweithe. Vho vhona aya madembe; vho diphiña, vha tshinda ntha na phasi khunzikhunzini ya lwanzhe, na Meriamu, musi vha tshi lidza thamborini. Huno vhararu fhedzi, kha vha milioni mbili, vho dzhena.

<sup>246</sup> Ri a limuha, Khotsi, uri musi mbeu, dzhini dici bvaho kha munna na musadzi, dici tshi ḥangana, hu na nthihi fhedzi, kha dza milioni, i no ḥanganedzwa. Kutshili kuthihi ku bvaho kha munna ku wana gumba lo vhibvaho la musadzi, tshisadzi, huno mañwe a milioni a a lovha.

<sup>247</sup> Hu na milioni, milioni mbili, dzo bvaho Egipita; vhavhili, Yoshua na Kalebe, vho dzhena shangoni. Muthihi kha vha milioni. Khotsi, ndi—ndi a tetemela musi ndi tshi elekanya nga ha hezwo. Elekanyani, shangoni lothe namusi, Vhakriste vha milioni dza mađana mađanu, avho vha do vha vha mađana mađanu arali Iwe u tshi nga da madekwana a namusi. Oo Mudzimu, i ri ri elelwe uri Ipfi ja Mudzimu liiwe na liiwe li ima, sa tshihumbudzo. Ri fanela u Li tenda. Ri fanela u Li thetshelesa.

<sup>248</sup> Huno musi Wo ri, “Shandukani, muñwe na muñwe wañu, huno ni lovhedzwe nga Dzina ja Yesu Kristo u itela khangwelo ya zwivhi, huno ni do tanganedza tshifhiwa tsha Muya Mukhethwa. Ngauri pfulufhedziso ndi yañu, na kha vhana vhañu, na kha avho vha re kule, na vhanzhi vhane Murena Mudzimu washu a do vha vhidza.” Nahone, Mudzimu, U kha di vhidza, madekwana a namusi, huno pfulufhedziso ndi ya musi Ú tshi khou di vhidza.

<sup>249</sup> Huno vhafunzi vho vhilinganya thalukanyo dza avho vhatu, huno vha dzi livhisa nga tshikolo tsha thelodzhi tsha pfunzo, tsha dinomineisheni, u ya kha tshithu u ri, “Oo, itonu tenda.” Diabolo na ene u a tenda, fhedzi ha koni u tanganedza Muya Mukhethwa. Yudasi Iskariote o vha e... o ita zwi—zwiñwe zweathe, zwe vhafunziwa vha ita, u rera Mafhungo-mađifha; fhedzi musi hu tshi da tshifhinga tshawe tsha u wana Muya Mukhethwa, a sumbedza mivhala yawe.

<sup>250</sup> Mudzimu, ngavhe vhatu vha shango madekwana a namusi vha tshi limuha uri, hu si na iyo tshenzhemo, vho xeña. Ngavhe hu tshi vha madekwana a namusi hune mimuya yavho ya do fushwa nga Mukovhe Wau, Murena, musi ri tshi vha kumedzela tshandani Tshau. Ndi Vhau, Murena. Ri na vhudifhinduleli fhedzi kha Ipfi. Ndi rabela uri vha do tenda nga mbilu dzavho dzothe, huno vha đadzwa Muya Mukhethwa. Ri humbela Dzinani ja Yesu. Amene.

Ndi a Mu funa, ndi a Mu funa  
 Ngauri O funa nñe u thoma  
 Huno o renga u tshidzwa hanga  
 Murini wa Khalivari.

<sup>251</sup> Oo, naa Ndi Mukovhe wañu u fushaho? [Tshivhidzo tshi ri, “Amene.”—Mudz.] Yawee, nñennen! Ni a Mu funa nga mbilu yañu yothe? [“Amene.”] Zwino, nga tshiñwe tshifhinga ayo Maipfi a a tshea, fhedzi kha ri tou imba Muyani zwino, ni a vhona, muñwe na muñwe washu zwino. Kha ri khađane na mukomana o dzulaho tsini hañu, khaladzi, huno ni tou ri, “Mudzimu a ni fhađutshedze, mufhiri,” musi ri tshi lu imba hafhu. [Mukomana Branham u khađana na vhatu.]

Ndi a Mu funa, ndi a Mu funa  
 Ngauri O funa nñe u thoma  
 Huno o renga u tshidzwa hanga  
 Murini wa Khalivari.

<sup>252</sup> Zwino ro khađana. Zwino kha ri vale zwashu mađo ashu huno ri imbe Muyani, ri imisele zwanda zwashu Khae.

Ndi a Mu funa, ndi a Mu funa,  
 Ngauri O funa nne u thoma  
 Huno o renga u tshidzwa hanga  
 Murini wa Khalivari.

Oo, naa Ha mangadzi?

A mangadzaho, a mangadzaho, ndi Yesu kha nne,  
 Mueletshedzi, Mukololo wa Mulalo, Mudzimu wa Maanda ndi Ene;  
 Oo, u a ntshidza, u mmbulunga tshivhini tshothe na ɬhonini,  
 A mangadzaho ndi Murengululi wanga, rendani Dzina Lawe!  
 Oo, a mangadzaho, a mangadzaho, ndi Yesu kha nne,  
 Mueletshedzi, Mukololo wa Mulalo, Mudzimu wa Maanda ndi Ene;  
 U a ntshidza, u mmbulunga tshivhini tshothe na ɬhonini,  
 A mangadzaho ndi Murengululi wanga, rendani Dzina Lawe!

<sup>253</sup> Oo, naa ni a nyanyulwa nga tshenzhemo yañu na Kristo? [Tshivhidzo tshi a takala, “Amene.”—Mudz.] Naa Ha mangadzi? Naa Ha fushi?

Ndo vha ndo xela, zwino ndo wanwa, ndo vhofhololwa khatuloni,  
 Yesu u nea mbofhollowo na u tshidzwa ho dalaho;  
 U a ntshidza, u mmbulunga tshivhini tshothe na ɬhonini,  
 A mangadzaho ndi Murengululi wanga, rendani Dzina Lawe.  
 Oo, a mangadzaho, a mangadzaho, ndi Yesu kha nne,  
 Mueletshedzi, Mukololo wa Mulalo, Mudzimu wa Maanda ndi Ene;  
 Oo, u a ntshidza, u mmbulunga tshivhini tshothe na ɬhonini,  
 A mangadzaho ndi Murengululi wanga, rendani Dzina Lawe!

<sup>254</sup> Naa ni a tenda uri izwo zwi Mañwaloni? [Tshivhidzo tshi ri, “Amene.”—Mudz.] Bivhili yo ri, “Vhandani zwanda zwanu. Itelani Murena phosho ya dakalo.” Ni a ñivha, tshifhinga tshothe ndo ɬoda u lidza muzika. Nwananyana

wanga, Rebekah, u dzhia piano. Mutukanyana wanga u dzhia porompita. Fhedzi ndo—ndo guda tshilidzo tsha tsinga dza fumi. [Mukomana Branham u thoma u vhanda zwanja zwawe.]

A mangadzaho, a mangadzaho, ndi Yesu kha nne,  
 Müeletshedzi, Mukololo wa Mulalo, Mudzimu wa Maanda ndi Ene;  
 U a ntshidza, u mmbulunga tshivhini tshothe na ̄thonini,  
 A mangadzaho ndi Murengululi wanga, rendani Dzina Lawe!

Naa ni a Mu funa? [Tshivhidzo tshi ri, “Amene.”—Mudz.]

Ri do tshimbila Tshedzani, Tshedza tsho nakaho,  
 Tshi da hune marotha a ̄nwando a khathutshelo a penya;  
 Penya u mona na rīne hōthe masiari na vhusiku,  
 Yesu, Tshedza tsha shango.  
 Ri do tshimbila Tshedzani, ndi Tshedza tsho nakaho,  
 Tshi da hune marotha a ̄nwando a khathutshelo a penya;  
 Penya u mona na rīne hōthe masiari na vhusiku,  
 Yesu, Tshedza tsha shango.

<sup>255</sup> [Mukomana Branham u thoma u ̄nuñuna, “Yesu, Tshedza tsha Shango,” huno zwenezwo tshivhidzo na tshone tshi ̄nuñuna nae—Mudz.] Rerelani Mudzimu nga tshiñwe na tshiñwe tshine na vha natsho.

Musi vhakhethwa vha tshi dzhena vha tshi hwanya,  
 Musi vhakhethwa vha tshi dzhena vha tshi hwanya,  
 Murena, ndi ̄todou vha mbaloni iyo  
 Musi vhakhethwa vha tshi dzhena vha tshi hwanya.  
 Oo, musi vha tshi Mu ambadza khare ya Murena wa whothe,  
 Musi vha tshi Mu ambadza khare ya Murena wa whothe,  
 Murena, ndi ̄todou vha mbaloni iyo  
 Musi vha tshi Mu ambadza khare ya Murena wa whothe.  
 Oo, musi ̄uvha li tshi hana u penya,  
 Musi ̄uvha li tshi hana u penya,  
 Murena, ndi ̄todou vha mbaloni iyo  
 Musi ̄uvha li tshi hana u penya.

<sup>256</sup> Naa ni a lu funa ulwo? [Tshivhidzo tshi ri, “Amene.”—Mudz.] Zwino ndi a mangala uri no rembulusa milenzhe yanu, a ni tsha tshinela shango, ngei nn̄da? Ni a vhona? Kha ri phaphathe milenzhe yashu, kha Murena, kha Murena. Inwi, naa zwanda zwaṇu two rembuluwa, a ni tsha tswa? Milomo yanu yo rembuluwa, a ni tsha zwifha? Ni songo tou dzenisa vhurereli thohoni yanu, vhu iseni hothe—hothe kha inwi. Ndi zwone. Vhu dzhia munna wothe. Izwo ndi zwone. Zwino kha ri phaphathe milenzhe yashu.

Musi vhakhethwa vha tshi dzhena vha tshi hwenya,

Musi vhakhethwa vha tshi dzhena vha tshi hwenya,

Murena, ndi ḥodou vha mbaloni iyo

Musi vhakhethwa vha tshi dzhena vha tshi hwenya.

Oo, musi vhakhethwa vha tshi dzhena vha tshi hwenya,

Musi vhakhethwa vha tshi dzhena vha tshi hwenya,

Murena, ndi ḥodou vha mbaloni iyo

Musi vhakhethwa vha tshi dzhena vha tshi hwenya.

Zwino kha ri dzou imisa zwanda zwashu.

Musi vhakhethwa vha tshi dzhena vha tshi hwenya,

Musi vhakhethwa vha tshi dzhena vha tshi hwenya,

Oo Murena, ndi ḥodou vha mbaloni iyo

Musi vhakhethwa vha tshi dzhena vha tshi hwenya.

Musi vha tshi Mu ambadza khare ya Murena wa vhothe,

Musi vha tshi Mu ambadza khare ya Murena wa vhothe,

Murena, ndi ḥodou vha mbaloni iyo

Musi vha tshi Mu ambadza khare ya Murena wa vhothe.

<sup>257</sup> Naa a ni Mu funi? [Tshivhidzo tshi a takala, “Amene! Vhugala! Haleluya!”—Mudz.]

Zwenezwo ri ḫo tshimbila Tshedzani (Ndi Tshedza, ni a ḫivha), Ndi Tshedza tsho nakaho,

Tshi da hune marotha a riwando a khathutshelo a penya;

Zwo luga, penya u mona hothe na riñe masiari na vhusiku,

Yesu, Tshedza tsha shango.

<sup>258</sup> Naa ni a tenda uri Ndi Tshedza tsha shango? [Tshivhidzo tshi ri, “Amene.”—Mudz.] Naa ni a ralo? Paulo o ri, “Musi ndi tshi imba, ndi do imba Muyani. Arali ndi tshi rerela, ndi rerela Muyani.” Ni a vhona, tshiñwe na tshiñwe tshine na ita, ni tshi ite tshothe Muyani. Izwo ndi zwone. Huno Muya u disa Ipfi kha Vhutshilo. Naa izwo ndi zwone? Izwo ndi zwone. Ee, muñe wanga.

Vhakhethwa vhothe vha Tshedza ñivhadzani,  
Yesu, Tshedza tsha shango;  
Tshilidzi na khathutshelo Dzinani Lawe,  
Yesu, Tshedza tsha . . .

Zwenezwo ri itani?

Ri do tshimbila Tshedzani, Tshedza tsho  
nakaho,  
Tshi da hune marotha a ñwando a  
khathutshelo a penya;  
Penya u mona na riñe hothe masiari na  
vhusiku,  
Yesu, Tshedza tsha shango.

<sup>259</sup> Pfarello u ni ñaqisa inwi vhalidzi, nga u ralo, fhedzi ndi sokou hwalea. A thi ñivhi tsha khwine u fhira u rerela. Iyo ndi ndila ine na ita. Ee, muñe wanga. Ndi livhuwa hetshi tshifhinga, Mukomana Mack, u ña huno nda ita vhutama na inwi na tshivhidzo tshañu madekwana a ñamusi, vhatħu avha vhothe vhavħudi.

<sup>260</sup> Huno vhoinwi vhe na imisa zwanda zwañu ni tshi itela ndovhedzo ya Muya Mukhethwa, ndi fulufhela uri ni do tangana na Mufunzi Mack fhano, kana vhañwe havho, huno na vhuyelela hafha lufherani. Huno itonu elelwa, musi Mudzimu a tshi amba Ipfi u rangani, huno a ri “nga hu vhe,” ho do tea u vha nga u ralo! Huno O ri, “Mashudu vhane vha pfa ñdala na dora la u luga, ngauri vha do fushwa.” Ni a vhona, zwi tea u bvelela. Iðani u dalela mufunzi wañu fhano, nahone ni ime nae a tshi rera Mafhungo-mađifha.

<sup>261</sup> Zwino kha ri dovhe ri imbe ulwo luimbo lwavħudi lwa kale, ndi tou lu funa holwo, “Ri do tshimbila Tshedzani.”

<sup>262</sup> Yesu o ri, “Ndi nñe Tshedza,” huno inwi ni Khae. Ni a vhona? Naa ni dzhena hani ngomu Hawe? Nga u vha murado Wawe? Hai. U dzinginyea? Hai. Ndovhedzo ya mađini? Hai. “Nga Muya muthihi roþe ri lovħedzelwa Muvhilini muthihi, une wa vha Muvhili wa Kristo.” Huno kha uyo Muvhili hu na zwifhiwa zwa tahe zwa maya zwi no shuma nga muvhili wa hayani, tshivhidzo tsha hayani. Izwo ndi zwa vhuapostola, arali ndo vhuya nda vhu ñivha. Izwo ndi zwone.

Ngauralo ri do dzula ri Tshedzani, Tshedzani  
tsho nakaho,  
Tshi da hune marotha a ñwando a  
khathutshelo a . . .

[Mukomana Branham u amba na Mufunzi Mack—Mudz.]  
Zwo luga!...?...

Tshi penya u mona na riñe hothe masiari  
na....

[Mukomana Branham u amba na Mufunzi Mack—Mudz.]  
Lo vha dakalo vhukuma! [Mukomana Mack u ri, “Ndi a ni  
livhuwa, mukomana. Ndi a ni livhuwa.”] 

*DORA TSV65-0919*  
(Thirst)

Hoyu Mulaedza nga Mukomana William Marrion Branham, u rangani wo  
ñewa nga Tshisimane nga madekwana a Swondaha, Khuvvumedzi 19, 1965,  
kha Khuvhangano ya Mudzimu ya Grantway kha ja Tucson, Arizona, U.S.A.,  
wo dzhiwa kha rekhodo ya theiphi ya maginete huno wa gandiswa u songo  
pfufuhifhadzwa nga Tshisimane. Heyi þhalutshedzo ya Tshivenda yo gandiswa  
huno ya phaðaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)